



S V F F I C I T.

S I V E,

de Misericordia dei in Differenda ira;

Concio ad clerum

Cantabrigiensem habita, in templo B. Mariae.

Anno 1603. Ianuar. 12.

A

Doctore THOMÆ PLAYFFERO, Sacrae Theologiae

Cantabrigiensi Professore, pro

Dominâ Margaretâ.




L O N D I N I,

Impensis THOMÆ CHARD, & venundan-
tur in officina NATHANÆLIS FOSBROOKE.

Anno 1607. April. 3.

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

1. The first part of the
book is devoted to a
general survey of the
history of the
Museum of Art and
Archaeology of the
University of Cambridge
from its foundation in
1816 to the present day.
The second part of the
book is devoted to a
detailed description of
the collections of the
Museum of Art and
Archaeology of the
University of Cambridge.
The third part of the
book is devoted to a
detailed description of
the collections of the
Museum of Art and
Archaeology of the
University of Cambridge.



THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE



HONORATISSIMO, ET VERE NOBILISSIMO,

D. IACOBO HAY, BARONI,

Equiti aurato ordinis Balnei,

Domino suo plurimum ob-

secruando.



ON fuit animus, Honoratissime
Hay, ubi primum scriptura eum lo-
cum seligebam quem ista concione
explico, in campum tam spaciosum
excurrere. Tantum celebrare velui
reditum ad pristina studia Academi-
corum, quos postis dissipaverat, breui
laudatione diuina clementia, & atti-
one gratiarum. Postea verò quàm

seriò cogitanti hac de re, illa distributio ira in Differendam, In-
ferendam, Auferendam venisset in mentem, animaduerti pro-
tinus mihi necessario descedendum esse de prioris instituti curri-
culo. Non enim posse tam longum iter unius peragrari decursu
concionis, sed, nisi singulas partes transilire potius vellem quam
percurrere, in uniuscuiusq; expolitione propria esse diligenter
insistendum. Itaq; iampridem tres simul conciones diuulgâssim
tribus illis partibus respondentes, si, ut secundam quoq; suo an-
no habui, ira ultima hactenus fuisset habenda locus. Verum ex-
inde semel atq; iterum Cantabrigiam rediens, ut more solito
Concionem ad clerum termino Natalitio pramitterem, offendi
continuo Academiam pestis quibusdam tristissimis perturbatam
relinquis. Unde & coactus sum alias quâsdam pro concione
tractare scripturas, illiusq; ultima partis explicationē in tempus

EPISTOLA DEDICATORIA.

magis opportunum rejicere. Interim tamen band existimari, concionis primæ istius editionem quæ est de Differenda ira, ipsam esse differendam amplius. Siquidem expediissima via ad veniam, pœnitentia. Ad hanc, consideratio Misericordiæ dei. Quò enim dominus tardior ad irascendum, eo nos convenit tardiores etiam esse ad peccandum, ad cessandum autem celeriores promptioresq; à peccato. Huc ista concio cùm præcipuè spectet, ut ne dei patientiam contemnamus, sed fideli pœnitentiâ præniansus eris iudicia, viam sanè commodissimam ad duas reliquas videtur esse stratura. Vt cùm nos culpa commissa, deum planè pœnituerit immissa pœna, tum demum ritè laudetur misericordia eius in irâ, & Inferendâ quæ corrigeret, & Auferendâ ne opprimeret. Quocirca sic tue amplitudini, Honoratissime vir, debitam hanc unam dedico, ut simul duas alias debeam suo tempore dedicandas. Cùm enim plurimis nominibus sim præcellenti Dominationi tue deuinctus, & nullo alio munere possim, præterquàm hoc literario, quàm cupiam esse gratus ostendere, malui partem singraphæ solvendo meam paupertatem prodi, quàm totam negligendo desiderari fidem. Quanquam hoc munusculum, ut dicam quod sentio, æque tuam nobilitatem decet, ac tenuitatem meam. Animus enim, tanquam spectaculum splendidissimâ imagine, ita nobilissimo obiecto maxime nobilitatur ipso. Porro nihil est ad animi agnitionem pulchrius, ad vitæq; fructum uberius, quam frequens divina Misericordiæ meditatio. Quare gratias agent, uti spero, potius quàm querentur aliquid omnes homini, quod, ut neminem ledam, sed singulis proficiam (quantum in me situm est) ad pœnitentiam pietatemq; vocando, nobile hoc argumentum de Misericordia dei nobili tuo animo affluere se præclarissimarum rerum studio oblectanti offeram. Deus florentissimam adolescentiam tuam, omnium virtutum ornamentis excelsam, per omnes itidem honorum gaudiorumq; gradus ad serene senectutem, tandemq; per Christi unius Misericordiam ad sempiternam felicitatem perducatur. Chæmæ.

Aprilis 2. Anno 1607.

Tux illustri dignitati omni officio
deditissimus,

THOMAS PLAYFERS.



DE MISERICORDIA DEI IN DIFFERENDA IRA.

2. SAM. 24. 16.

Sufficit.



Euerendi patres, chariq; fratres in Christo; vnicum hoc vocabulum **SUFFICIT** sufficit ad Gen. 4. 13. Secundum versionem Munsteri, & expositionem patrum. commonstrandum, dei misericordia quàm infinita sit. Primus Cain ipse maledictus deo maledixit, dicens; Maior est iniquitas mea, quàm vt remitti queat. Imò, quàm debeat. Præsertim cum linguâ peccaret atrocius, quàm manu. Patris misericordiam extenuando, quàm fratris fundendo sanguinem. Quocirca verè maior est, quia falsò esse dicitur. Quæ veniam impetrare potuisset, si capacem se veniæ putasset. Est enim malitiæ hominis abyssus magna, sed Jerem. 17. 9. Inscrutabile. Ephe. 3. 8. Imperuestigabiles diuitiæ. magis inexhausta bonitatis dei. Si igitur abyssus abyssi inuocârit, diuinæ misericordiæ abyssus abyssum facillimè absorbebit humanæ malitiæ. Ac Mi-

B

cheâ

Pfal. 42. 8.
 Miche. 7. 19.
 Crystostomi si-
 mile. Hom. 3.
 De pœnitent.
 Bernardus in
 Canticũ Jer. 22.

cheâ prophetâ teste, omnia nostra in profundum maris peccata proiciet. Quare vt scintillula se habet ad vastissimum oceanum: sic hominum peccata ad pii parentis clementiam. Aut potius non sic. Quia nullo pelagus tam est immensum, quin suis littoribus atque limitibus concludatur. Dei autem misericordia limitem & terminum non habet. Non horruit, vt suauiter Bernardus, non horruit confitentem latronem, non lachrymantem peccatricem, non Cananæam supplicantem, non deprehensam in adulterio, non sedentem in telonio, non supplicantem publicanum, non negantem discipulum, non persequutorem discipulorum, non ipsos crucifixoress suos.

Pfal. 45. 9.

Gen. 1. 31.

1. Cor. 1. 3.

2. Sam. 12. 3.

Ephes. 2. 4.

Quocirca tam infinitæ admiratio misericordiæ neutiquam miranda, sed ipsa. Quæ Dauidem ita perculit, vt obstupescens exclamaret, Miserationes eius super omnia opera eius. Non solum nostra, quæ sapius mala quàm bona, sed etiam eius, quæ tantummodò bona & valde bona perspexit. Vt enim oleum mellis, vino, aquæ, reliquisque liquoribus innatat: consimili ratione, oleum misericordiæ dei cæteris eius omnibus præstat operibus. Hinc appellatur ab Apostolo, Pater misericordiarum, & deus omnis consolationis. Propterea quòd singula à se condita haud aliter adamat, quàm architecti & opifices sua opera. Misericordiam verò nunquam abstrahi à suo sinu atque complexu patitur, sed semper eam quasi filiolum suauatur suam. Rursus & alibi dicitur, Diues in misericordiâ. Non in agris, non in pecuniis, non in angelis, non in cælis. Quia licet ista omnia possideat, potest tamen hisce creare meliora. Sed Diues in misericordiâ

diā est, quā nulla maior, aut melior. Scitē igitur Hilarius; Hoc in deo præcipuum, hoc in potente laudandum, non cælum fecisse quia potens est, non terram fundasse quia virtus est, non annum astris temperasse quia sapiens est, non hominem animasse quia vita est, non mare in accessus & decessus mouisse quia spiritus est; sed misericordem esse qui iustus est, sed miserantem esse qui rex est, sed dissimulantem esse qui deus est.

*Hilarius in illa
verba Psalmi
145. 7. Me-
moram abun-
dantiæ suavi-
tatis tue eru-
tiant.*

Quapropter videor esse mihi verissimè dicturus, dei misericordiam non super omnia eius opera solum, verumetiam super eius attributa omnia eminare. Quid enim in diuinis attributis iustitiā augustius? Iacob. 2. 13. Tamen. vti sanctus Iacobus affirmat, misericordia iustitiæ insultat, de eaque gloriose triumphat. Hoc in Moysis arca figuratum fuit. Extra quam, propitiatorium: intra, legis tabulæ. Propitiatorium est misericordiæ symbolum, eum propriè designans in quo solo nobis propitius est pater. Tabulæ legis iustitiam dei promulgant in lege patefactam. Itaque propitiatorium supra tabulas, quid aliud est, quàm misericordia supra iustitiam? Quod adhuc etiam liquebit apertius. Quippe olim duo Cherubini ante paradisum collocati, & flammeum gladium versatilemque vibrantes, ad arborem vitæ occludebant aditum. Hic autem duo Cherubini supra propitiatorium collocati suasque alas explicantes, aperiunt viam ad vitæ arborem. Siquidem expansis suis alis Christum adumbrant, qui de seipso sic loquitur; Tota die expandi manus meas ad populum rebellem & contradicentem. Et iterum; Quoties volui congregare filios tuos,

Exod. 25. 17.

Rom. 3. 25.

1. Ioh. 2. 2.

Gen. 3. 24.

Exod. 25. 18.

Rom. 10. 21.

Matth. 23. 37.

sicut gallina pullos sub alas, & noluitis? Quare Cherubinoꝝ in versatili illorum gladio iustitia fuit: in horum extensis alis solummodo misericordia. Vt luce clarius sit, propitiatorium omni modo misericordiâ polliceri. Cherubinoꝝ adumbratione non minus, quàm significatione suâ. Ex alterâ parte, tabulæ legis non omni modo minitantur iustitiam. Scriptum enim in tabulis ipsis legimus, Ego sum deus tuus, visitans iniquitatem patrum in filios, in tertiam & quartam generationem eorum qui oderunt me, & faciens misericordiam in millia his qui diligunt me, & custodiunt præcepta mea. Quamvis igitur lex haud aliud quicquâ sit, quàm quædam veluti publicatio, aut vt ita dicam proclamatio iustitiæ, misericordiam tamen millicies maiorem, quàm iustitiam ostentat. Vt non immeritò misericordia dicatur aduersus iustitiam gloriari, quia vbi de illâ sermo, huius nulla mentio; vbi autem iustitia denunciatur, aurei pariter promittuntur misericordiæ montes.

Exod. 20. 6.

Heb. 9. 4.

Marth. 2. 11.

Ephe. 5. 2.

Exod. 30. 34.

Porrò, præter arcam, alia etiam in Sanctuario fuerunt. Aureum thuribulum: vna manne: Araonis virga. Aureum thuribulum nil aliud olet quàm misericordiam, illudque sacrificium quod Christus in crucis altari velut odrilitium patris naribus admouit. Vnde magi nostro pontifici recens nato obtulerunt, aurum, thus, & myrrham. Vt innuerent, eum aliquando sanctissimum suum corpus plenum vulneribus per quæ preciosus sanguis efflueret, sicuti aureum thuribulum plenum foraminibus per quæ gratus nidor ascendit, deo patri oblaturum in odorem suauitatis. Proinde attulerunt; aurum quidem ad conficiendum aureum thuribulum: thus auté & myrrham ad suffitum

suffitum adolendum. Ita, magi Christo, aurum, thus, myrrham: Christus patri, aureum thuribulum. Iam, mannam similiter meram spirare misericordiam, docet Psalmista. Qui inter alia dei beneficia in veteres Psal. 78. 24. Israelitas hoc quóque repetens ait; Pluit illis manna ad manducandum, & panem cœli dedit illis. Atqui Christus seipsum hunc panem esse confirmat. Cum enim dicerent Capernaite; Patres nostri comederunt Ioh. 6. 51. manna in deserto: subiicit illic Servator; Ego sum 1. Cor. 10. 3. panis ille vitæ, qui de cœlo descendit. Ideoq; gentium doctor escam spiritualem mannam nuncupat, quia spiritualiter denotabat Christum. Et alibi iterum ipse Reuel. 2. 17. Dominus; Vincenti, inquit, dabo manna absconditum, id est, æternam gloriam. Namq; manna descendens de cœlo, est gratia Christi: manna abscondita in cœlo, est gloria Christi. Vtraque, & gratia, & gloria, ex æquo misericordia Christi. At verò virga Aaronis monumentum fuit iustitiæ diuinæ. Vtpote quæ tot iudicia, tot miracula ediderat: magnum ipsa etiam, dum floruit ac fronduit, miraculum. Figura Num. 17. 10. proculdubio illius virgæ, quâ de dicitur; Virga æquitatis, virga regni tui: dilexisti iustitiam, & iniquitatem Psal. 45. 7. odisti. Quamobrem si pluris id fiat cuius memoria plurimum imaginum religione ceremoniaque sacratum, tum certè consentaneum est, deo misericordiam chariorem. Quoniam huius triumphos atque trophæa in thuribulo & mannâ expressit: iustitiæ duntaxat in virgâ. Simul & illud perpendendum, mannam Exod. 16. 33. in aureâ urnâ reconditam fuisse, virgam non item. Exod. 4. 17. Imò Moyse ipse, inclytus legislator & iustitiæ præco Exod. 2. 3. primus hanc virgam qui tractauit, nō fuit in aureâ urnâ, sed in scirpeâ fuscellâ seruatus. Optimè, & aptissimè.

Psal. 78. 25.

Gal. 3. 24.

Esaï. 10. 5.

Versibus 4 & 3

mè. Manna angelorum cibus, in aureâ vrnâ: virga viminea, in scirpea fiscella. Sedenim res quæque quò maioris æstimatur pretij, eò & splendidiùs ornatur, & asseruatur diligentius. Vnde colligitur, suam deo videri, auream misericordiam, iunceam iustitiam. Ac delectari eum, magis misericordiæ suæ thesauris & diuitijs, quàm iustitiæ telis. Quia illas auream in vrnâ reponit: hæc in iunceam fiscellam reijcit. Quemadmodum enim pædagogus quàm primum delinquentem castigauerit, virgam protinus mittit è manibus: ita lex quæ pædagogus est ducens ad Christum, vbi peccantes punierit, statim Alshurem virgam diuini furoris, non in auream vrnâ, sed in scirpeam iunceamue fiscellâ, vel in aliquè angulû, vel etiam in ignem conijcit. Quapropter præclare coelestis citharoedus, Psalmo centesimo vndecimo, hisce verbis; Misericors, & miserator dominus, & iustitia eius manet in seculû. Semel solum iustitiæ, bis misericordiæ meminit. Ac si diceret; Misericors, in Cherubimorum alis: & miserator dominus, in propitiatorio: & iustitia eius manet in seculum, in tabulis legis. Rursus; Misericors, in aureo thuribulo: & miserator dominus, in manna: & iustitia eius manet in seculum, in virga Araonis. Misericors, & miserator dominus, & iustitia eius manet in seculum.

Quid agitis, Auditores? Miramininè misericordiam dei? Rectè facitis. Quin sanè mirarer, nisi miraremini. Nam & coelites simûl omnes vobiscum mirantur. Sed quid si magis mira audiat? Quid si nunc dicam non modò dei misericordiam iustitiæ alijsque eius attributis præcellere, sed & deum per misericordiam

diam seipsum quodammodo devincere? Aut potius, si placet, non dicam. Me tacente parumper, pro me dicet, vel verius pro deo dicet, & de deo dicet sanctus Paulus; Fidelis est deus: seipsum negare non potest. Papè! stupenda verba! Non ait, Suam misericordiam negare non potest: sed, Seipsum negare non potest. Quod si aliud quicquam ipse quàm misericordia esset, negare misericordiam posset, licet negare seipsum non posset. Nunc, non negando seipsum donat misericordiam, qui non donando misericordiam negaret seipsum. Ita, superare seipsum potest desertos miserando, negare seipsum non potest misericordiam deferendo. Quomodo enim negaret seipsum nobis, qui dedit seipsum pro nobis? Aut qui iam dedit vitam suam, quomodo negaret misericordiam suam? Vnde rex David egregie; Deus meus, misericordia mea. Quæ verba tractans sanctus Augustinus exclamat in hunc modum; O nomen, sub quo nemini desperandum est! Deus meus, inquit, misericordia mea. Quid est Misericordia mea? Si dicas, Salus mea, intelligo, quia dat salutem: si dicas, Refugium meum, intelligo, quia confugis ad eum: si dicas, Fortitudo mea, intelligo, quia dat tibi fortitudinem. Misericordia mea, quid est? Totum quicquid sum, de misericordia tua est. Fecisti ut essem, & non tu fecisti ut bonus essem? Dedisti mihi ut sim, & potuit mihi alius dare ut bonus sim? Si tu mihi dedisti ut sim, & alius mihi dedit ut bonus sim, melior est ille qui mihi dedit ut bonus sim, quàm ille qui mihi dedit ut sim. Porro, quia nemo te melior, nemo te potentior, nemo te in misericordia largior, à quo accepi ut essem, ab illo accepi ut bonus essem. Deus meus,

2. Tim. 2. 13.

Rom. 8. 32.

August. in fine
concionis se-
cundæ in Psal.
59. 18.

mi-

misericordia mea. Quod si eruditissimo patri sic licuit exponere, Deus meus, misericordia mea; hoc est, Totum quicquid sum, de misericordia dei sum: quidni & mihi liceat sic exponere, Deus meus, misericordia mea; hoc est, Totum quicquid est, misericordia deus est. Nam si deus meus sit misericordia mea: tum deus est misericordia. Cum enim Meum dico, ostendo quid sit mihi: cum Deum dico, quid sit in seipso. Proinde si deus meus sit mihi misericordia mea: tum est deus in seipso misericordia. Ideoque dum multiplicat misericordiam, superat seipsum. Ac planè negaret seipsum, si negaret misericordiam. Quia ipse est, & ipsa est misericordia. Dicente Ecclesiastico; Secundum magnitudinem ipsius, sic & misericordia illius.

Cap. 2. 23.

Lament. 3. 28.
Ex vulgata.

Lament. 1. 14.
Peccati iugum.
Matth. 11. 29.
Panis, iugum.

Heb. 3. 16.
Σωτηριδι
Ἰησοῦ.

Imò, non Secundum magnitudinem, sed Supra magnitudinem ipsius, misericordia illius. Propheta Ieremias sic habet; Bonum est viro, cum portauerit iugum ab adolescentia sua. Sedebit solitarius, & tacebit, quia leuauit se supra se. Quibus verbis conditio hominis verè poenitentis describitur. Qui quantum antè per peccati iugum deiecerat se infra se, tantum nunc per poenitentię iugum leuat se supra se. Ita duæ res planè pugnantes, peccatum & poenitentia, efficiunt in homine, vt deiciat se infra se, & leuet se supra se. In deo vna facit misericordia vtrumque. Qui & deicit se infra se, factus ipse humanæ naturæ particeps: & leuat se supra se faciens hominem diuinæ naturæ consortem. Singula hæc in historia Hæmorroissæ videmus, quæ tetigit Christum, & sanata fuit. Per morbum peccati deiecit se infra se. Nam erogauerat in medicos omnem substantiam suam,
nec

nec eorum ab vilo potuit sanari. Atque ita pro vno
 duobus malis conflictata est. Inualitudine, ac pau-
 pertate. Per medicinam poenitentiae leuauit se supra
 se. Nam dixit intra se, Si tetigero vel fimbriam vesti-
 menti eius, sanabor. Verum hic tactus, fidei fuit ma-
 gis, quam manûs. Quia dum tetigit fimbriam, apprehendit misericordiam. Ergo similiter coelestis medi-
 cus per eam misericordiam, quam mulier apprehen-
 dit, ipse tetendit, & deiecit se infra se, & leuauit se su-
 pra se. Deiecit se infra se, cum se fecit vnum e turba.
 Nisi enim per inauditam misericordiam deiecisset se
 infra se, nunquam potuisset, vel premi à multitudine,
 vel tangi à muliere. Leuauit se supra se, cum sensit
 virtutem exire de se. Nisi enim per eandem eximiam
 misericordiam leuasset se supra se, nunquam dixisset
 mulieri, Filia, fides tua te saluam fecit. Quasi diceret,
 Vulnerasti cor meum, soror mea, sponsa mea. Auerte
 oculos tuos à me, quia meum pectus perfodiunt. Vi-
 cta es ad violentiam, sed violenta ad victoriam. Quia
 dum vim mihi infers, virtutem à me refers. Ac tan-
 gendo vestem meam, pestem tuam depellis. Proinde
 manus tua te sanam fecit, sed fides tua te saluam fecit.
 Quippe dum sistitur fluxus sanguinis, illabitur influ-
 xus salutis. Atque ita quæ quæris operam medici,
 mediatoris misericordiam inuenis. Osi nunc scirem,
 miser ego & misellus si nunc scirem, aut beati omnes
 angeli in cælis si scirent, quibus verbis tam diuina
 mansuetudo amplificari debeat, quibus laudibus
 tam admirabilis misericordia extolli! Hic est, hic est
 verus ille Sampson, qui ob amorem Ecclesiæ suæ, ve-
 luti Hæmorroissæ huius, aut Dalilæ illius, & deiecit se
 infra se, cum a Phariseis vt a Philistæis captus est : &

1. Pet. 1. 4.
 Oclac pûnæ.
 Luc 8. 43.
 Erogaueat.

Mar. 5. 28.
 Fimbriam.

Mar. 6. 24.
 & turbâ.

Luc 8. 46.
 Virtutem.
 Luc 8. 48.
 Cant. 4. 9.
 Cant. 6. 4.

Bernar. Ser. 64.
 in Cant.
 Vistæ es.

Iud. 16. 21.
 Iud. 16. 30.

C

leua-

Epistola 70.

Luc 1. 34.
 Rom 5. 10.
 Tit. 2. 14.
 Gal. 3. 13.
 Ephes. 2. 19.
 Phil. 2. 9.
 Psal. 115. 1.

leuauit se supra se, cùm moriendo interfecit plures quàm viuendo. Secundùm illud Ambrosij; In morte seipsum vicit. Si namque deus gloriæ, vt monarchæ huius mundi nouos orbes exquirunt: sic aliud regnum supra suum coeleste regnum quæsiuisset, non modò non illustrasset, sed omninò minuisset maiestatem suam. Etenim desiderando aliquid altius, negasset seipsū esse Altissimum, quo nihil altius. Nunc, mundum inferiorem istum tanquam suæ theatrum misericordiæ creans: ac hominem post creationem lapsum erigens per mortem filij sui, redimensque ab omnibus, & peccatis, & peccatorum pœnis: atque quod maius est, etiam cùm inimici essemus, sanctorum nos conciuēs, & domesticos suos constituens; hæc inquam faciens, O quàm honorificum filio suo nomen dedit supra, supra omne nomen! O quam splendidam nomini suo gloriam dedit, gloriam vel ipsis Seraphicis spiritibus adorandam! quia, cùm in magnitudinis & potentiæ operibus longiùs progredi non potuit, in misericordiæ muneribus tantò admirabiliùs seipsum superauit, quantò est redemptio mundi, quàm creatio gloriosior. O deus! O pater infinitæ maiestatis ac gloriæ! Laudent, in æternum laudent, & celebrent misericordiam tuam, omnes filij, & serui tui. Tu pietate ac misericordia tua, omnia opera nostra superas: tu misericordia tuâ, omnia opera tua superas: tu misericordia tuâ, omnia attributa tua superas: vno verbo, tu misericordia tua, teipsum superas.

Ceterum ornatissimi Academici, quò meliùs notionem

tionem sententiamque percipiat vnius verbuli, SUFFICIT, oro vos ne grauemini tria tantum alia verba memoriæ mandare. Quæ hæc sunt; *Differenda* : *Inferenda* : *Auferenda*. Ostendam enim, quàm admiranda sit Misericordia dei in ira sua, primò *Differenda* : secundò *Inferenda* : tertio *Auferenda*. Hæcque ex vnica voce ista SUFFICIT deducam omnia.

Sed antequam de misericordia dei dicere plura progrediar, supplex peto à patre misericorde nostro, quandoquidem sine misericordiæ eius ope de misericordiæ eius opibus nihil dignè dici queat, idcirco nunc misericordiæ suæ & opem & opes ostendere dignetur, in me misericorditer subleuando qui sum de eius misericordia dicturus. Ita, nihil omnino metuo, non tempestates vllas, non fluctus, non syrtes, non scopulos; quin proculdubio foelici cursu nauigauero, si misericordia dei, sit ventus quo propellar, sit clauus quo dirigar, ad eum portum quem peto.

Primò dicendum de Misericordiâ dei in *Differenda ira*. Ecce ego, inquit ore Amosi loquens, Ecce ego stridebo subter vos, sicut stridet plaustrum onustum foeno. Qui plaustrum foeno onerant, mergites & manipulos foeni pressè coarctant perangustæque referciunt, dum ad plures recipiendos contrudendosque nihil spacij supersit. Eodem modo, deus se patitur vt plaustrum nostrorum onerari peccatorum pondere, donec non sit ferendo diutius. Sed tamen qui nimis graue onus dei ceruicibus iniiciunt, suis capitibus terribile væ illud arcessunt; Væ Esai. 5. 18.

Psal. 2. 3.
Ezec. 40. 3.

Mat. 7. 2.

Gen. 41. 21.
Esaï. 17. 1.
Esaï. 19. 1.
Esaï. 23. 1.

Luc 13. 4.
Gal. 6. 6.

Isaï. 1. 14.

qui trahitis iniquitatem in funiculis vanitatis, & quasi vinculum plaustrum peccatum. Qui dicunt, Disrumpamus vincula eorum, & proiciamus à nobis densos funes illorum. Qui habitat in cælis irridebit eos, & in furore suo conturbabit illos. Habet enim in manu, ut vidit Ezechiel, funiculum lineum, & calamus mensuræ. Impij quidem deum suis peccatis vinciunt: ipsi nolunt dei iudiciis vinciri. Ideo trahunt iniquitatem quasi vinculum plaustrum: sed vincula legum iudiciorumque disrumpunt. Deus autem funiculo lineo ligat eos, ut excurrere longius peccando non possint, quàm quo funiculus iste profertur: & calamo mensuræ suæ, cum est completa mensura scelerum eorum, quâ mensurâ mensi fuerant, remetietur illis. Tumque expediet se è funiculis peccatorum quos impii traxerant, & impedit eos densis funibus iudiciorum quos disruperant. Atque ita, ut vacca illæ septem macilentæ deuorabant septem obesæ: sic funiculus lineus dei funiculos vanitatis constringet, & calamus mensuræ vinculum peccati, ut plaustrum, consumet. Hinc frequens formula est in prophetis, Onus Ægypti, Onus Damasci, Onus Tyri, atque ita in alijs. Quæ demonstrat peccatum, dum perpetratur, onus esse dei, dum punitur onus esse hominis. Utque octodecim illi ruinâ turris Siloe oppressi sunt: ita singulos proprium onus portaturos, ac nisi maturè resipuerint, pro gravitate scelerum quibus deum presserunt, graues itidem deo daturus poenas. Namque deus se intoleranter vexari non patitur modò, uti iam dixi, sed & fatetur, & queritur. Calendas vestras, & solennitates vestras odit anima mea: facta sunt mihi molesta: laboravi

boravi sustinens. Et alio loco, Non te seruire feci in
 oblatione, nec laborem tibi præbui in thure: verun- Esa. 43. 13.
 tamen seruire me fecisti in peccatis tuis, & prebuiſti
 mihi laborem in iniquitatibus tuis. O incredibilem
 impietatem hominis: pietatem & patientiam dei!
 Homo seruire deo debet: non deus homini. Nedum
 peccato. Attamen tanta est hominis impietas, vt per
 eam, & ipse sit, & deus peccatorum sit seruus. Ipse fa-
 ciendo, deus patiando peccata. Vt insignem esse dei
 misericordiam oporteat, qui tamenſi nouis quotidie
 oneribus peccatorum impositis, quasi seruus arien-
 ſis, aut baiulus aliquis fatigetur, vel etiam vt plau-
 strum prematur, differt adhuc iram suam, nec sumit
 supplicium.

Iam qui onerari se finit vt plaustrum, præterea stri-
 det vt plaustrū. Ecce ego stridebo subter vos, inquit,
 sicut stridet paustrum. Quo declarat, cum iram dif-
 ferre diutius non possit, sed necessarid nunc poenam
 irrogare debeat, se non tacitè peccatoribus impar-
 tis obrepere, sed misericorditer præmonere eos, ac
 quasi stridore quodam iram suam & poenam appro-
 pinquantem prodere. Id innuit Psalmista inquitens, Psal. 60. 6.
 Dedisti metuentibus te significationem, vt fugiant à 1. Sa. 20. 20.
 facie arcūs. Quemadmodum igitur Ionathas tres sa-
 gittas emisit, ad Dauidem amicum, non semel ferien-
 dum, sed ter monendum: similimè deus significationem
 dat suis, vt fugiant à facie arcūs. Quocirca non
 dixit Noæ, vt pulchrè notat Ambrosius, Ponam in Libro de Noe
 nubibus sagittam: sed, Ponam arcum. Arcus enim & arcū. ca. 17.
 instrumentum est iaculandæ sagittæ, neque arcus ip- Psal. 7. 13.
 se vulnerat, sed sagitta. Ergo posuit in nubibus arcum
 non

Refertur à
Machiavello
Disputatio-
num li. 3. c. 6.

Amos 3. 6. & 8

1. Cor. 15. 52.

1. Pet. 5. 8.

non sagittam, id est, quod haberet terroris indicium, vulneris effectum non haberet. Iuxta illud Psalmistæ iterum; Si non conuertatur quis, acuit gladium, arcum tetendit, & parauit illum. Qui acuit gladium, non iam pugnat, sed propediem pugnaturus videtur. Hinc Sceninus, quod pridie eius diei, quo Neronem constituerat occidere, rubiginosum quendam pugionem acuisset, vt proditor comprehensus est. Et enim qui pugiunculum acuebat, aliquem putabatur perempturus. Haud dissimili modo deus, non ferit dum acuit, sed acuit vt feriat. Vel potius acuit vt non feriat. Sed vt homines caueant ne feriat, dum vident quod acuat. Atque ita cauendo plagam effugiant, quam deus acuendo intentat. Quocirca acuit gladium, vt nos acuat ad vigilantiam: intendit arcum, vt nos intendamus animum: parat sagittas, vt nos ad poenitentiam paremur. Hoc probat dininus vates, hisce verbis; Num clanger tuba in ciuitate, & populus non expauescet? Si leo rugiat, quis non timebit? Est enim duplex tuba. Vltima tuba: & prima tuba. De vltima tuba loquitur Paulus, Omnes resurgemus in nouissima tuba: de prima tuba loquitur propheta, Num clanger tuba in ciuitate, & populus non expauescet? Vltima tuba vocat ad lætitiā: prima tuba, ad poenitentiā. Vltima excitat, ad præmium: prima, ad prælium. Illa tuba pauorem excutit: hæc tuba incutit. Vnde propheta; Num clanger tuba in ciuitate, & populus non expauescet? Sic etiam leo rugiens, vnius generis non est. Est enim leo rugiens, quærens quem deuoret: & est leo rugiens, quærens quem conseruet. De quærente quem deuoret, loquitur Petrus; Diabolus tanquam leo rugiens circuit quærens quem

quem deuoret: de quarente quem conseruet loquitur propheta; Si leo rugiat, quis non timebit? Quærens quem deuoret expectat prædam; quærens quem conseruet expectat poenitentiam. Deuorans, habet clauem Abyssi: conseruans, habet clauem Dauid. Ille leo rugiens, fallacem securitatem suadet: hic leo rugiens, tutum timorem. Vnde propheta; Si leo rugiat, quis non timebit? Idcirco & Baptista cum interrogaretur, Quisnam esset? Vox clamantis in deserto, inquit, Parate viam domini. Tota autem Ioannis prædicatio huc spectauit, vt peccatores poenitentiam agerent, & pararent se ad recipiendam Christi misericordiam & gratiam, & fugerent ab ira ventura. Et sic sanè totus, hic stridor plaustrum; hic clangor tubæ; hic rugitus leonis; hic clamor vocis, nil aliud est quam vehementissimum dei desiderium cupientis suam iram differre, surgentisque de nocte ad mittendum seruos suos prophetas quibus decretum suum reuelauit, vt peccatoribus imminetia pericula præmonstrent.

Reue. 10. 1.
Reue. 3. 7.

Mar. 1. 3.
Mat. 3. 7.

Iere. 26. 5.
Amos 3. 7.

Tale plaustrum stridens fuit Moyses, qui Pharaonem vas iræ coagmentatum ad interitum maximo quidem opere cupiebat, imò maximis operibus mirandisque prodigiis cupiebat ab irâ & interitu eripere. Sed qui obdurauit cor suum, & stridorem plaustrum huius audire noluit, tandem coactus est stridorem populi sui audire plangentis atque ciulantis, in corde primogenitorum, & hiatu maris. Ac quidem confimili modo omnes obstinatos peccatores, quos stridor plaustrum non permouet, stridor dentium puniet. Talis tuba clangens fuit Esaias, cui Dominus dixit; Clama, ne cesses, quasi tuba exalta vocem tuam, &

Rom. 9. 22.

Exod. 12. 29.
Exod. 14. 28.

Math. 8. 12.
Esa. 58. 1.

annun-

Sap. 17. 19.
Esa. 62. 1.

Ionas 1. 2.
Ionas 3. 4.
Ionas 4. 11.

Gen. 18. 20.
Gen. 19. 7.

Prover. 1. 24.
& 26.

Gen. 19. 24.
Iud. 2. 4.

annuncia populo meo scelera eorum, & domui Iacob peccata eorum. Domino autem clangens hæc tuba veluti Echo aliqua vicissim responderet; Propter Sion non tacebo, & propter Ierusalem non quiescam, donec egrediatur ut splendor iustitia eius, & salus eius ut lampas accendatur. Talis leo rugiens fuit Ionas, cui Dominus dixit; Surge, & vade in Ninivem civitatem grandem, & prædica in eâ; quia ascendit malitia eius coram me. Ergo rugiens hic leo surrexit, & civitatem magnam itinere trium dierum, vnius diei itinere totam suo rugitu complevit. Sicque præter innumerabiles alios natu grandiores, centum viginti millia infantum servavit. Talis vox clamans diu ante Baptistam fuit iustus Lot. Clamor Sodomorum & Gomorrhæorum multiplicatus est, & peccatum eorum aggravatum est nimis; ait Dominus. Nolite quæso, fratres mei, nolite malum hoc facere; ait Lot. O singularem dei misericordiam! Populus per peccatum suum clamat ad deum pro poenâ: deus per servum suum clamat ad populum pro poenitentia. Sed dei clamor populi clamore obruitur. Quid igitur dominus? Quia inquit, vocavi & renuistis, ego quoque in vestro interitu ridebo. Ac quia misericordiae clamorem contemnitis, clamorem iræ audietis. Tumque non ita multò post pluit super illos ignem & sulphur de cælo. Tremendum & horribile iudicium. Ignem & sulphur de cælo? Quid hoc rei est? Ignis & sulphur euomi solent ex inferis. Cur igitur pluit deus ignem & sulphur de cælo? Ut doceat, eos qui gratiam dei conuertunt in lasciviam, etiam patientiam dei in furorem, & quodammodo ipsos cælos in inferos cōvertere. Quod quidem optimo

rimo iure huic populo coniugit. Qui Pharaoni similis scelere, supplicio non admodum dissimili mulcatur. Ille fluctibus & aquis obrutus, hic igni & sulphure consumptus. Interim misericors dominus, dum stridet, dum clangit, dum rugit, dum clamat, non obscure significationem dat, malle se differri iram, quàm inferri suam.

Porro plaustrum quale hoc Amosi est onustum fœno, dum trahitur, non modò magnum edit stridorem, sed lentè etiam pedetentimque procedit. Quod eodem modo de deo dici potest. Qui lentus est tardusq; ad iram, vt longius det peccatoribus poenitendi spacium, liberiutque tempus ad sanio rem mentem atq; ad frugem redeundi meliorem. Itaque cum nequicquam proficere se sentit, vel hominum scelera tolerando, vel scelerum supplicia prædicendo, ad poenas quidem expetèdas accedit, sed, vt plaustrum onustum fœno, valdè cunctanter & tardè. Si enim nos ad ea simus plerumq; tardiores quæ inuiti facimus, non mirum id deo contingere. A quo tam est irasci alienum, quam eius est proprium misereri. Irascitur, inquit propheta, vt faciat opus suum alienum opus eius, vt operetur opus suum peregrinum opus eius. Quibus verbis iram dei, & suum opus, & non suum opus appellat. Suum opus, quia sic iustitiæ eius ratio requirit: non suum opus, sed alienum & peregrinum opus, quia est ad misericordiam naturâ propensior. Siquidem ira in indignatione eius, & vita in voluntate eius. Nō vita in indignatione eius, & ira in voluntate eius. Quia tam indignatio eius mortem non vitam affert, quàm voluntas eius vitam non

Esa. 28. 31.

Psal. 30. 6.

1. Tim. 6. 4.

2. Pet. 3. 9.

D

iram

iram affert. Vult enim omnes fieri saluos, & non vult quemquam perire. Itaq; nunquam irascitur, nisi cum ad indignationem hominum prouocatur peccatis, semper vitam dat, quamdiu sua finitur voluntati ac consuetudini seruire. Tanquam apes sua sponte mel colligit, aculeo neminem nisi laceffita pungit: haud aliter suavis dominus ad seueritatem est tardior, quia mel misericordiae suapte naturâ fundit, aculeum irae non nisi coactus infigit.

Genes. 3. 8.

*De non auget,
sed emollit sig-
nificationem
verbi.*

*Aul. Gel. lib. 6.
cap. 16.*

Hoc, vel in primo dei iudicio perspicue apparet. Sic namq; scriptum videmus; Cum audisset Adam vocem dei deambulantis in paradiso, abscondit se. Deus ad scelus vlciscendum accessurus, vocem edit, & deambulat. Vocem edens, imitatur stridorem plaustrî: deambulans, tarditatem. Deambulare enim proprie est tardissime sine vlla iactatione quasiue corporis, animi causâ duntaxat, vnum aut alterum spacium in porticulâ conficere. Ex quo sequitur, deum non ferri præcipitem, nec nimium festinanter in flagitiosos irruere, sed Deambulare vt ita loquar, sic enim scriptura loquitur, Deambulare inquam, & placide sedatèq; ad iudicia exercenda procedere.

Versu. 30.

*Et. Mun. Herus
ante Tremelli-
um; Libranis
semitâ iræ suæ.
Sap. 11. 21.*

Hinc Psalmo septuagesimo octauo sic legimus; Viam fecit semitæ iræ suæ. Tremellius transfert; Librauit iter ad iram suam. Doctè quidem, atque eleganter. Docet enim hæc versio, Deum, qui omnia in pondere & mensurâ disponit, antequam irascitur ponderare & quasi librare, non causam modò propter quam, sed & viam per quam ira sua prorumpet. Itaq; priusquam iustitiæ suæ pondera imponit in eam libram in quâ maleficia examinat, videt misericordiam suam & patientiam prope deprimi & præponde-

rari

rari hominum peccatis. Cùmq; animaduertit, peccata peccatis accumulata ita ingrauescere tamq; esse ponderosa vt misericordiam depressura videantur, eoq; pacto periculum esse ne depressa misericordia planè contemnatur, hominumq; non iam peccatis solum sed vel pedibus etiam proteratur, nisi à iustitiâ iuuetur : tum demum pondera iustitiæ & iræ suæ in eandem lancem cum misericordiâ imponit, vt quæ facinora sola misericordia reprimere non potuit, ea, misericordia & ira iunctis simul viribus ponderibusque deprimerent. Et sic, Librat iter ad iram suam.

Sed vulgatam sequemur, si placet ; Viam fecit semitæ iræ suæ. Semita peditum est, non equitum. Eorumq; non armatorum, sed inermium. Imperatores quidem quâ ducunt exercitum, omnia circumcirca depopulantur & vastant. Is verò qui solus est dominus exercituum etiam cum iratissimus copias vniuersas educit ad pugnandum, extra semitæ certę cancellos quos suæ iræ circumdedit non finit eam vagari. Ita, vix totus orbis iram Alexandri aut Cæsaris feret: exigua & angusta semita iram dei inclusam continebit. Adeo vt cùm iracundiâ inflammari incipit, tardè potius Deambulare in Semitâ videatur, quàm acriter in campo pugnare.

*Quâ auguñe
ibant Semita,
vt Semiter
dictum Varro
de Lin. la. l. 4.
Semita, i. miera
dimidium, a
Semitu dicta.
Semita autem
hominum est,
callis ferarum.
Isidor. Ety. lib.
15. cap. 16.
Et. lib. Diss. 539*

Iam qui iræ suæ semitam, & semitæ viam facit. Facere autem semitæ viam, quid aliud est quàm facere semitam super semitam, vel viam super viam? Quo docemur, iram dei non prius aduentare, quàm duas videat sibi patere vias. Vna via est, quòd tam diu deum quasi plaustrum onustum foeno nostris onerauerimus peccatis: altera via est, quòd tam diu deus quasi plaustrum stridens, suis nos onerauerit præceptis &

monitis. Et tamen, nec conscientia peccatorum, nec scientia præceptorum adhuc nos à maleficiis deterret. Venit igitur ira dei per duas vias. Per viam remedii, & per viam medii. Per viam remedii, vt sit remedium illius inobedientiæ quæ peccare non desinit: per viam medii, vt sit medium illius obedientiæ quæ poenitere incipiat. Itaq; tardissimus est & expectat indies dum poenitentia nostrâ omnes vndiq; iræ suæ obsepimus vias. Vbi autem è contrâ non modo magnam fenestram, sed & viam satis amplam aperimus eius iudiciis; viam dico: imo semitam & viam, id est duas semitas vel duas vias, quodam modo complanatas & quasi pavimentatas nostris peccatis sternimus; tum quidem, licet valdè inuitus, & serò admodum, attamen aliquando tandem ad puniendum accedit.

Vnde etiam perspicitur, deum longè aliâ viâ venire ad succurrendum, quàm ad succensendum nobis. Quippe de sponso propitio spiritualis sponsa cecinit; Ecce venit saliens per montes, transiens colles: de eodem irato amicus sponsi cecinit; Viam fecit semitæ iræ suæ. Currit igitur cum succurrit, salit, transilit, per colles, per montes: cum succenset, nec per montes, nec per colles, nec transilit, nec salit, sed tardiusculè in semitâ, vel saltem in viâ deambulat. Cum miseretur, ianuis etiam clausis suos venit consolatum discipulos. Nihil potest, non obiectus collis, non oppositus mons, non obserata ianua, nihil potest cursum impedire misericordiæ eius. Ac ne quidem retardare. Hinc dominus ad Esaiam; Voca nomen eius, Accelera spolia de trahere, Festina prædari. Quia celeriter spoliaturus erat diabolus, festinantèrque illi humanum

Cant. 7. 8.

Ioh. 20. 16.

Esa. 8. 3.

num genus captam quasi prædam erepturus. Secus est cum irascitur. Nisi ianuam apertam & patentem, viamq; facilem ac compendiariam, stratam sibi atq; munitam videat, non venit. Quod si Moyses aliquis in confractione ster, qui dudum excanduit nunc propemodum exalbelcit, eiulq; quæ paulò antè efferbu- it iam subito deferuescit ira. Psal. 106. 23.

Postremò, deus se facere & iræ suæ semitam, & semitæ suæ viam dicens significat, semper restare, locum misericordiæ ex parte suâ, locum poenitentię ex parte nostrâ. Nam continet iram intra semitam, aut si eruperit è semitâ non longè digressa est, adhuc in viâ est. Itaq; quamdiu hic vivis, non tu solum viator es, sed & deus viator est. Tu peccatorum immanes strues, ingentèsq; acervos congestisti, quibus onerasti deum. Quid tum postea? Nullo modo propterea desperes: Nullo modo. Vt enim tu peccata peccatis: sic deus semitas semitis, & vias vijs aggressit. Surge igitur ocyùs è somno peccati. Vade ad patrem tuum & dic, Peccaui pater. Propera, quantû potes. Quantò ille magis tardat, tantò tu magis festina. Quantò ille magis differt iram, tantò tu minùs differ poenitentiam. Nunc, tempus acceptum est. Nunc, dies salutis est. Dum tempus habes, operare bonum. Dum lucem habes, ambula in luce. Iam Assuerus auream virgam extendit, audacter propiùs accede. Iam angelus turbat aquam, contende vt prior descendas. Quære dominum, dum inueniri potest. Adhuc cum in viâ inuenies. Ibi hæret: ibi restitat: longas moras interponit: patienter te expectat. Ecce tres anni sunt, ex quo venit quærens in te fructum. Dimisit te, & hoc anno. Ergo dum sic venit, & in viâ est, fac eum

Ier. 14. 8.

Viator est.

Ephes. 5. 14.

Luc. 15. 18.

Cant. 2. 10.

Hebr. 4. 11.

Ecclesiasticus

5. 8.

Esa. 49. 8.

2. Cor. 6. 2.

Gal. 6. 10.

Ioh. 12. 35.

Ester. 5. 2.

Ioh. 5. 4.

Esa. 55. 6.

Luc. 13. 7.

Matth. 5. 25.
 1. Cor. 11. 31.
 Psal. 119. 148.
 Psal. 63. 7.
 Amos 4. 12.
 1. Cor. 10. 22.
 Luc. 14. 32.
 Mittant lega-
 tos pro suis do-
 loribus lacry-
 mas. Cyprian.
 lib. 2. Epist. 7.

1. Sam. 25. 28.
 & 33.
 Luc. 7. 38.
 Mar. 10. 47.
 Psal. 2. 12.
 Psal. 95. 2.
 Prou. 18. 17.
 Gen. 33. 24.
 Esa. 64. 7.
 Cant. 3. 4.
 Psal. 75. 3.
 Accepero tem-
 pus.

amicum tibi per poenitentiam, quem fecisti inimi-
 cum tibi per peccatum. Præuenias iram, & iudicia e-
 ius. Iudica teipsum, vt ne iudiceres à domino. Præ-
 ueniant eum oculi tui diluculo. Memor esto eius su-
 per stratum tuum. In matutinis meditare de eo. Pa-
 rare in occursum dei tui. Crede mihi, multò te forti-
 or est. Venit cum viginti millibus, contra tua decem
 millia. Dum igitur procùl adhuc in vià est, mitte le-
 gationem ad eum. Pete inducias, & pacem. Sint la-
 crymæ legati, viua fides tua, vera poenitentia tua,
 legati sint ad deum. Et quemadmodum Abigail, pia
 & prudens mulier, occurrit irato Dauidi, & cecidit
 ad pedes eius, & dixit, Aufer, domine mi, iniquita-
 tem famulæ tuæ; cui Dauid, Benedicta tu, quæ pro-
 hibuisti me hodie, ne irem ad sanguinem, & vlcisce-
 rer me manu meâ: sic tu, sancta anima, quæcunq; es,
 osculare pedes filij Dauid cum peccatrice ne fortè
 irascatur, præoccupa faciem eius in confessione, ag-
 nosce iniquitatem tuam, dic tu peccata tua prius vt
 iustificeris, humillimis precibus & poenitentia tua
 prohibe eum ne se vlciscatur, quinimò in vià cõgrede-
 re & luctare cum eo, atq; vt alter Iacob tene manus
 eius, nec dimitte eum donec benedicat tibi, & dicat
 tibi cum Dauide, Benedicta tu, quæ prohibuisti me
 hodie ne irem ad sanguinem, & vlciscerer me manu
 meâ. O chari Fratres! chari Fratres! Quid hic magis
 mirer? magis mirer? Deine patientiam, an nostram
 proteruiam & stuporem? Qui cum iram tam clem-
 enter differat, misericordiam tam amanter offerat,
 à plerisq; nostrum nihilominus, tam impiè & tam
 ingrâtè contemnitur. Dicit alicubi in Psalmis, Cum
 accepero tempus, ego iustitias iudicabo. Et ecclesiæ

Thyatiræ

Thyatiræ scribi iubet, Dedi illi tempus, vt poenitentiam ageret. Proinde deus, accipit tempus, & dat tempus. Accipit sibi, dat homini. Accipit sibi tempus, vt poenam sumat, & tum iustitias iudicat. Dat homini tempus, vt poenitentiam agat, & tum misericordias offert. Nunc dat nobis tempus, & misericordiam offert. Nunc se nobis offert vt filijs. Ecce sponsus venit, prodeamus ei obuiam. Ecce stat ad ostium, & pulsatur. Vox dilecti nostri pulsantis, Aperi mihi amica mea. Ergo surgamus, vt confestim aperiamus dilecto nostro. Hodie, dum cognominatur Hodie, audiamus eius vocem. Ne dicamus, vt Felix ille infelix Paulo, Ad præsens abi, tempore autem opportuno accersam te. Quasi verò præsens tempus non sit maximè opportunum? Ne dicamus, vt Agrippa Festo, Cras eum audies. Quasi verò coruus in superliminari non sic crocitet? Omnis pro Crastinatio hæc in re periculosa. Captanda occasio salutis magis, quàm obseruanda facies cœli. Iam igitur liquefiat anima nostra, dum dilectus noster loquitur. Iam contremiscat cor nostrum ad contactum eius. Dilectus noster mittit manum suam per foramen. Si pessulo ostium occludamus, illicò abibit. Tum quæremus eum, & non inueniemus. Vocabimus, & non respondebit nobis. Tempus quod nunc est, non erit posterum. Miluus in cœlo cognouit tēpus suum. Nec non turtur, & hirundo, & ciconia. Nedum nos debemus. Tempora enim & momenta, non in nostrâ sunt, sed in potestate dei. Iurauit angelus per viuentem in secula, quòd tempus non erit ampliùs. Ex alter angelus, cui nomen Vriel, tria impossibilia Esdræ proposuit. Pondera mihi pondus ignis, inquit: aut mensura mihi.

Reuel. 2. 27.

Dedi tempus,

Hebr. 12. 7.

Math. 25. 7.

Reuel. 3. 10.

Cant. 5. 2. 5.

Luc. 12. 36.

Confestim.

Hebr. 3. 13.

Act. 24. 23.

Act. 25. 22.

Sophoni. 2. 14.

Vox cornina,

cras, cras. Cor-

uus de arcâ

missus, non est

reuersus. Non

querit deus di-

lationem in

voce corninâ,

sed confessionem

in gemitu

columbino.

Aug. in Psal.

102.

Luc. 12. 56.

Facies cœli.

Cant. 5. 6. 4.

Ierem. 8. 7.

Act. 1. 7.

Reuel. 10. 6.

4. Esdr. 4. 5.

mihi flatum ventis: aut reuocā mihi diem quæ præterijt. Vt igitur nec ignis potest ponderari, nec ventus mensurari: sic nec dies præterita reuocari. Quod si nec præteritum tempus possit esse præsens, quia dies præterita non reuocatur: nec præsens possit esse futurum; quia tempus non erit amplius: tum præsens tempus arripiamus; quia præteritum fuit, sed non est; præsens est, sed non erit; futurum nec fuit, nec est, nec erit. Saltem nec fuisse, nec esse scimus: num autem erit nescimus.

Iosu. 6. 4.

Dicite mihi, obsecro. Quid perdidit Iericho, nisi quòd præsens tempus non arriperet? Israelitæ iubentur sex continuis diebus semel, septimo die septies, clangere buccinis, & circuire ciuitatem. Quidnam hic clangor buccinarum, nisi stridor plaustris? Quid sunt tam longæ circuitiones & deambulationes circa ciuitatem, nisi tarditas plaustris? Vulgò dicimus; Facilius esse destruere, quàm extruere. Non est ita in deo. Sex diebus totam cæli mundi; machinam extruxit: vrbeculam Iericho non nisi septem diebus destruit. Quare citius extruit misericordia eius totum mundum, quàm destruit ira eius exiguam ciuitatem. Cùmq; Israelitæ non ferrum distringant, sed buccinis solum clangant, manifestum est sceleros hosce, non dei armis, sed suis peccatis & impoenitentia perire.

Exod. 20. 11.

Ionas, 3. 4.

Quid ex altera parte seruauit Niniuem, nisi quòd oblātā misericordiam singulari diligentia amplecteretur & fide? Adhuc quadraginta dies, & Niniue subuertetur. Dum plaustrum sic tardè trahitur, tempus diutius protrahitur. Numerus autem quadragenarius optimè conuenit poenitentibus. Propterea quòd

quod vera pœnitentia exprimitur potissimum tribus
 hisce; Ieiunio; oratione: eleemosynâ. Ieiunium, ad
 bona corporis: oratio, ad bona animi: eleemosyna,
 ad bona fortunæ refertur. Vnde & tres illi qui in
 monte Tabor transfigurati sunt; Christus: Elias: Luc. 9. 30.
 Moyses; soli leguntur ieiunasse diebus quadraginta.
 Quamuis verò singuli essent egregij ieiunatores, ta-
 men præcipuè; Moyses ieiunio: Elias oratione:
 Christus eleemosynâ, excelluit. Nam Moses primus Exod. 24. 18.
 omnium tam diu ieiunauit: Elias oratione suâ cœ- Iam. 5. 18.
 lum, & clausit & aperuit: Christus eleemosynâ, non Ioh. 10. 28.
 victum sed vitam impertit. Niniuitæ etiam statim
 pœnitentiam egerunt, omnibusq; hisce simul excel-
 luerunt; ieiunio: oratione: eleemosynâ. Ac proin-
 de veniam sunt, & misericordiam adepti.

Dicite mihi, iterum. Quid perdidit Ierusalem, ni- Luc. 19. 44.
 si quidd tempus visitationis suæ nesciret? O si cogno- & Ver. 42.
 uisses, vel saltem in hac die tuâ, quæ ad pacem tibi! In-
 terrupta sententia est, hominis singultu sua degluti-
 entis verba. Vel potius hominis verba non sunt, sed
 piæ atq; paternæ commiserationis & doloris. Subau- Luc. 13. 34.
 diendum enim; Tum perbeata esses: At nunc fun- lapidat.
 ditus evertêris. Etenim occiderat prophetas, & lapi- 1. Cor. 2. 8.
 dârat ad se missos. Ea fuit lapidibus quasi strata semi- suffixit.
 ta ad iram dei. Cruci tandem dominum gloriæ eti-
 am suffixit. Hęc iam via quoq; fuit ad semitam. Quid
 igitur? Num subito eos, vt Chore, Dathan, & Abi-
 ram, terra dehiscens absorpsit? Minimè verò. Sed vt
 Elizeus non immisit duos vrsos in pusiones illos, an-
 tequam ex illis quadraginta duo ei petulantissimè il- Psalm. 106. 17.
 lussissent: sic deus iram suam per diu distulit, nec im- 2. Reg. 2. 24.
 misit duos vrsos, Vespasianum & Titum, qui Ierusa- S. Prosperii
 lem simile.

E

lem

Luc. 19. 44.
 Matth. 23. 32.

lem lacerarent, ac vastarent, ac ne quidem lapidem eius super lapidem relinquerent, priusquā illi mensuram patrum complēssent, & perseverassēt totos continuos quadraginta duos annos, non vnguibus, sed dentibus, id est, dentatis maledictis, conuitijs, probris, lacerantes, illudētes, contemnentes Christum. Ita, quos dei tarditas ad iram seruare potuisset, eos sua & propria tarditas ad pœnitentiam perdidit.

Hebr. 11. 7.
 1. Pet. 2. 8.

Quid è contrā seruauit Noam, nisi quod admonitus de ijs quæ nondum cernerentur, præpararet arcam? Irridebatur quidem perpetuò à sannionibus, & scurris, & interpellatoribus odiosis. De die in diem iustam eius animam iniquis suis, & operibus cruciabant, & sermonibus. Heus, bone vir, inquit, quid te sic maceras? quid vis tibi? aut quid quæris? Nunquam tam manē egredimur, neq; tam vesperi domū reuertimur, quin te conspicemur, aut lignum cædere, aut tabulam dolare, aut bitumen effodere, aut clauos impingere, aut aliquid facere ad arcam apparendam. Deniq; nullum tempus remittis, neq; te respicis. Fabulam nobis narias be diluuiο. Et dic fodes, Ecquando tuum hoc erit diluuium? Post centum & viginti annos. Ridiculum caput! Tu qui iam sexcentos annos natus es, metuis diluuium vno aut altero seculo subsequente futurum? Quin, si sapias, para tibi, potiùs sepulchrum vt subter terram condaris, quàm arcam vt super aquam fluites. Sed hæc omnia Noam minimè mouerunt. In arcâ, quemadmodum deus iussêrat, fabricandâ nihilò laborauit minùs. Quinimò quò dominus in pœnâ ab impijs repetendâ tardior, quòq; illis ad pœnitentiam agendam spaciū magis diuturnum concessit, eò Noaminiùs

Teren. Heau.
 Al. 1. sc. 1.

Genes. 6. 3.
 110 annos.
 Genes. 7. 6.
 600. annos.

minùs in opere perficiundo tardus, magisq; sedulus in redimendo tempore. Ergo deus viginti annis de præfixo tempore decisis iustum Noam seruauit, diluio in mundum impiorum inducto.

Viginti annorum spacijs amputatis. Hieron. in Trad. in Gen.

1. Pet. 2. 8.

Forſitan dicetis mihi; Cur dei tu tarditatem ad iram tam vehementer verbis extollis, quando ex eo quidem tempore quod promiſit, præcidat aliquid atq; amputet? Venit enim interdum, vt videtur, citiùs, non noſtrâ opinione ſolùm, ſed promiſſione etiam ſuâ. Sed nihil eſt, doctiſſimi Auditores, quod tam facile expediam. Quippe certò conſtat electos omnes è vitâ exire, cum ſunt optimi: reprobos, cum peſſimi. Quia illi diutiùs ſi uiuerent, eorum fortassis mutaret malitia intellectum: ſin hi, illuſtriorẽ præ ſe ſaltem ferrent ſpeciem pietatis. Nec tamen in hoc deus immitis exiſtimandus, quaſi eos tollat è medio, quos præſentit meliores ſi uiuerent futuros. Non enim e mentitæ ſanctitatis ſimulatio meliorem efficit, ſed duplo peiorem. Centieſq; magis diaboli filium, qui transformare ſe ſolet in angelum lucis. Proinde nec illi reuerà improbioreſ, nec hi probioreſ euaderent, ſed dum illi remittere aliquid putarentur de primæ charitatis ſeruore, hi nouis ignibus diuini amoris ardeſcere, non tam euidenter conſtare nobis ratio poſſet, vel miſericordiæ dei in illis conſeruandis, vel in hiſce condemnandis iuſtitia, ſi eos bearet in quibus mali plus ineſſe quàm boni videretur, hos perderet qui ſaltem ſpecie eſſent ad bonum propenſioreſ quàm ad malum. Cum igitur videt dominus homineſ profecturoſ in melius, tum venit tardiùs. Vt in Ezechiâ. Eſſi enim ſatis pius & poenitẽs extiſſet, ſi eſſiſſet animam quo tempore agrotabat,

Sap. 4. 11.

1. Ioh. 3. 10.

2. Cor. 11. 14.

Reuel. 2. 4.

Cant. 8. 6.

Eſa. 38. 6.

bat, tamen quia deus meliorem postea fore præuidit, contrà quam decreuisse visus est, facile patitur eius vitæ quindecim alios prorogari annos. Secus est in his irrisoribus quibus viginti annos præripit. Venit enim hic citius, quia videt si diutius viverent, quantum pietatem simulassent, semper tamen reip̃a profecturos in peius. O prodigium! O miraculum! Etiam hoc ipsum, negare illis misericordiam, est infinita misericordia. Siquidem, ut scribit ille, multo tempore non sinere peccatores ex sententiâ agere, sed statim ultionem adhibere, magni beneficii indicium est. Propterea quòd hoc pacto, maiorem damnationem, iudicium durissimum, & plures illas plagas effugiunt. Vnde concluditur, misericordiam dei non in coelis solum & terris, sed verò in inferis etiam splendescere. Quia de eorum plagis & poenis qui semper spiritui sancto restiterunt, detrahit atq; dimittit quantum potest. Sed iam reuertamur ad rem.

Hæc exempla quæ adduxi, causam in bono lumine, vel certè in clarissimâ luce constituunt. Nunquam Fabius ille Maximus talis cunctator fuit, ac deus noster. Itaq; non vnus homo nobis, sed vnus deus nobis rem cunctando restituit. Plaustrum hoc tardigradum non est signum cœleste, sed signum cœlestis ac diuinæ misericordiæ. Venit enim, ad Iericho, septem diebus: ad Niniuem, quadraginta diebus: ad Ierusalem, quadraginta annis: ad Noam, centum annis. En quàm tardè ad vindicandum veniat, quàm longumque nobis tempus ad poenitendum concedat! Concedit septem dies. Septem? Imò, quadraginta dies. Dies? Imò, quadraginta annos. Quadraginta? Imò, centum annos. Annos plures dat nobis ad

2. Mac. 6. 13.

Luc. 20. 47.
damnationem.
Sapient. 6. 6.
iudicium.
Luc. 12. 47.
plagas.

Act. 7. 51.

Cicero. de Senect. Principio.

ad poenitendum, quàm ad viuendum. Nam anni vitæ nostræ sunt septuaginta: anni poenitentiae nostræ Psal. 90. 10.
sunt centum. Vt etiam, si fieri posset, cum vita nobis non superfit ampliùs, vitæ tamen deberet poenitentia superesse.

Quid dicam, quòd in his exemplis, extrema media sint, media extrema? Loquar apertiùs. Iericho & Noe extrema sunt, includentia Niniuem & Ierusalem; sed media sunt, quia in Iericho non omnes vastati, sed Raab meretrix seruata est: in Noâ non omnes seruati, sed mundus impiorum vastatus est. Ierusalem & Niniue media sunt inter Noam & Iericho; sed extrema sunt, quia in Ierusalem omnes vastati: in Niniue omnes seruati. Atq; ita, extrema media sunt, media extrema. Quid hinc discimus? Hoc nimirum. Quemadmodum in Ierusalem, omnes vastati; in Iericho & Noâ, quidam vastati, quidam seruati; in Niniue, omnes seruati: sic si nulli è nobis poenitentiam agant, omnes vt in Ierusalem, peribimus; si quidam è nobis poenitentiam non agant, quidam agant, vt in Iericho & Noâ, quidam peribimus, quidam viuemus; si omnes nos poenitentiam agamus, omnes, vt in Niniue, viuemus. (O quanto in lucro deputeret hoc deus, vno si iactu retis sui Euangelici omnes omnium nostrum animas capere posset! Marth. 13. 47.
Genes. 14. 21.
Diabolus enim dicit, Da mihi animas; vt perdat eas: deus, vt postquam poenitentiam egerint in terris, coronet eas in coelis, dicit, Da mihi animas; tibi tolle cætera.) Sed si omnes nos poenitentiam non agamus, certè, vt docet dominus in Euangelio, tolerabilius erit Ierosolymitanis in die iudicij quàm nobis, quia illi Christum morte mulctantes quid agerent

Iac. 2. 25.
 Matth. 21. 31.
 Hebr. 11. 7.

Luc. 11. 32.
 Ionas 4. 11.
 Matth. 23. 33.
 Ionas 3. 7. 8.

2. Pet. 2. 16.
Humanâ Voce.
 Matth. 21. 13.
Ille obmutuit.

nesciebant, nos scientes voluntatem domini non facimus: imò, non solum Raab meretrix è Iericho procedet, & præcedet nos in regnum cœlorum; sed & Noe, qui per fidem condemnauit mundum, nos quoq; in hoc mundo condemnabit: & quod horribilius est, verissimum tamen, etiam Niniuitæ surgent in iudicio, & condemnabunt nos; nec pueruli illi modò qui nesciebant quid dextram inter & sinistram esset, nos inter hoedos ad sinistram collocabunt; sed vel mutæ illæ pecudes, quæ in communi ciuitatis periculo ac luctu nec ederunt quicquam nec biberunt, & præterea sacco sunt cilicioq; indutæ; mutæ, inquam, illæ pecudes, vt asina Balaam humanâ voce loquentes, redarguent stultitiam nostram; ipsæ loquentes, nobis os obstruent in die iudicij; ipsæ, quæ sunt mutæ, loquentur, nosq; , qui loquimur, mutos reddent in die illo; nisi nunc omnes nos poenitentiam agamus.

Sed iam pace vestrâ bonâq; vestrâ cum veniâ, Venerandi patres, & fratres amantissimi, pecudes hæc mutas mittemus, & paulò propiùs ad Dauidem, atq; ad nosmetipsos accedemus. Hactenus enim quæcunq; Amosi de plastro diximus, ad tria membra possunt omnia refundi. Ad *onus* plaustrî: ad *fridorem* plaustrî: ad *tarditatem* plaustrî. Nunc igitur videamus, num omnibus his modis misericordiam deus non declarauerit in Dauidem.

Quod attinet ad *onus* plaustrî, Dauidis peccatum fuit

fuit superbâ curiositas, siue, si id malitis, curiosa superbia. Lepidè quidam dixit, Athenienses opinor, aut alios nescio quos, nummos habere ad nihil aliud quàm ad numerandum. Vt sit, rectissimè hoc de Dauide dicatur, non nummos eum, sed subditos vt nummos habuisse, tantummodò ad numerandum. Paululum modò interest. Auaritia illos : hunc concitauit superbia. Numera populum, inquit, vt sciam numerum populi. Perinde ac Adam, gustauit arborem, vt sciret bonum & malum. Et Lucifer, ascendere voluit altiùs in coelum, vt similis esset altissimo. Itaq; non leue hoc Davidis peccatum, sed idem ferè, quod Adamum è paradiso, & Luciferum è cœlo extrusit. Siquidem promissum à deo locupletissimum acceperat; Persequentur quinq; de vobis centum alienos, & cœtum de vobis decem millia. Quinetiam fides eius ante hoc tempus inuictissima extiterat; Non timebo, inquit, millia populi ambiētis me. Insuper deus Abrahamo sponsonderat, hunc populum, nempe peculium suum, innumerabilem fore. Adde eodẽ, nullam tum causam fuisse, quamobrem conscriberetur exercitus. Deinde hac ratione Leuitæ à sacro tabernaculo abstracti fuissent ad tabernaculum militare. Deniq; David, vt erat figura Christi, sic exemplum esse debuisset omnibus piis regibus, vt ne carnem ponerent brachium suum. Quãobrem, Ioab referens, numerum Iudeorum esse quadringenta septuaginta millia, numerum Israelitarum esse centum millia & mille millia, potius videtur numerum recensere, peccatorum quibus David seruiuit, quàm subditorum quibus imperauit. Herclè enim planissimè, quot capita recensuit, tot scelera capitalia

Plutarch.

2. Sam. 24. 2.
Genes. 3. 5.
Esa. 14. 14.

Leui. 26. 8.
Plalm. 3. 7.
Genes. 25. 5.
Exod. 19. 5.

1. Chro. 23. 24.
& 25.
Ierem. 17. 5.

1. Chro. 21. 56

Pſalm. 40. 12.

Pſalm. 38. 5.

Onus graue.

pitalia conſciuit. Vt non ingenuè magis quàm verè alicubi dicat; Iniquitates meæ multiplicatæ ſunt ſuper capillos capitis mei, ſupergreſſæ ſunt ſuper caput meum, & ſicut onus graue grauata ſunt ſuper me. Et tamen intolerabile hoc onus tam innumerabili-um in vno peccato peccatorum, cui Dauid planè ſuccubuit, incubuit totum, vt in plauſtrum onuſtum foeno, ſic in dei humeros, & patientiſſimè ſuſtinuit.

1. Chro. 21. 12.
tribus annis.

2. Sam. 24. 13.

Bellſarins. De
ſingulari certa-
mine.

2. Sam. 24. 14.

Quod attinet ad *ſtridorem* plauſtri, propheta Gad mittitur à deo ad denunciandum Dauidi tria formi-
doſa iudicia. Aut famem, tribus annis: aut gladi-
um, tribus menſibus: aut peſtem, tribus diebus.
Nunc ergo delibera, inquit, & vide quid responde-
am ei qui miſit me. Dat illi deliberandi ſpaci-um, li-
beramq; optionem è tribus vnum eligendi ſupplici-
um. Atqui deus non prouocârat Dauidem, ſed Da-
uid deum ad iram ſuis peccatis. Et lex ſpecialis eſt, vt
electio teli ad prouocatum pertineat, non ad prouo-
cantem. Quare dominus plurimum de iure ſuo per-
benignè remittit, qui, cùm penes ipſum ſit quoduis
genus ſupplicii pro ſuo arbitratu ſtatueret, malit ta-
men vindictam ad nocentis optionem inſectere,
quàm informare ad commodum & conſilium ſuum.
Verumenimuerò, hæc licet valde mollis & miſericors
comminatio quantum Dauidi terrorem incuſſerit,
vel ex eo ſatis intelligitur, quòd reſponderit ad Gad;
Coarctor nimis. Tanquam diceret, Antehac meis
peccatis deum coarctavi, ac velut plauſtrum onuſtū
foeno oppleui. Nunc cum plauſtrum hoc moueri in-
cipit domumq; remigrare, ſtridoribus fragoribuſq;
eius meæ aures obſurdeſcunt. Imò & obſtupeſcit &
cohorreſcit

cohorrescit animus. Plaustrum peccatorum meorū
 plaustrum dei iudiciorum reportat, quibus nimis
 heu nimis Coarctor. Antè quidem cor meum per-
 cusseram, sed iam cor meum dereliquit me, nec am-
 plius remanet quod percutiam. Ita, pauor omnem
 mihi ex animo, non lætitiā solum, sed & sensum &
 vitam expectorat. Quapropter non nego, hæc pro-
 phetæ Gad denunciatio quin terribilis fuerit, tātum
 hoc affirmo, etiam in iræ significatione ista non pau-
 cas fuisse impressas misericordiæ excellentissimæ no-
 tas, quòd dominus per prophetam stridēs quodam-
 modo Dauidi concesserit, & deliberandi tempus, &
 eligendi libertatem.

2. Sam. 24. 10.
 Percusseram.
 Psalm. 40. 13.
 Dereliquit.

Quod attinet ad *tarditatem* plaustri, David in hoc
 peccato securè indormiuit nouem mensibus & vi-
 ginti diebus. Legimus enim versu octauo huius ca-
 pitis, Ioabum de Dauidis mandato vniuersam ter-
 ram Israel eo spacio lustrasse. Tam diu igitur in hoc
 perseverauit peccato, quamdiu vterum gestat muli-
 er. Aut certè non multò secùs. Nisi quòd fortassis a-
 liquantò diutiùs. Sic namq; nobilis illa mater Ma-
 chabæorum filium natu minimum alloquitur; Fili
 mi, miserere mei, quæ te in vtero nouem mensibus
 portauit. Adeo vt quod David alioquin de Chusi
 scripserit aptissimè hoc loco in semetipsum quadret;
 Ecce parturit iniquitiam, concepit dolorem, & pe-
 perit iniquitatem. Quid autem dominus? Nimi-
 rum ipse etiam vnà cum Dauide dormiente dormit.
 Et in flagitio tam detestando, tamq; diuturno con-
 uiuet. Quod si zelo diuinæ iustitiæ incensus quispi-
 am iam tum Dauide in hoc peccato dormiente pre-

2. Sam. 24.

2. Mach. 7. 37.
 Psalm. 7. 15.

Plutarchus.

Psalm. 44. 25.

Esa. 42. 14.

Commentar. in

Genesim. lib. 4.

cap. 15.

Iaco. 1. 15.

Genes. 4. 7.

2. Pet. 2. 3.

Ierem. 1. 11.

Esa. 5. 11.

Marth. 21. 41.

Psalm. 92. 10.

catus fuisset, vt olim Romani; Lex Iunia, cur dormis? aut vt nunc Christiani; Exurge, quare obdormis domine? dominus fuisset illico vti mihi quidem persuadeo responsurus; Tacui, numquid semper tacebo? Silui, patiens fui; nunc loquar vt parturiens. Nam, vt Ruperti Tuitiensis verba recitem, quemadmodum parturiens illud quod concepit non sine sensu doloris emittit & tamen dolere mauult, quàm non emittere quod concepit: sic deus non sine sensu pietatis profert sententiam iudicij, & tamen victâ pietate miseras malorum mauult videre, quàm non proferre quod iustitiâ dictante concepit. Quare? Quia videlicet vtilius est morbo ferramentum altius imprimere, quàm palpando putredinem fouere. Hæc ille. Summa est; Concupiscentia cum conceperit, parit peccatum, peccatum verò consummatum, generat mortem. Ita, peccati, mater concupiscentia, filia mors. Ideoq; poena facinorosorum quæ dormire videtur, reuerà nec dormit, nec dormitat. Sed vt canis domesticus iacens ante fores, videtur quidem dormire, & tamen statim latrat, latro si forte veniat: ita poena peccati excubat præ foribus, vt Caino dictum est, flagitiosiq; iudicium iam olim non cessat, & perditio eorum non dormitat. Hinc dei iustitiam vocat propheta virgam vigilantem. Quod non diligentius improbi vigilent, & primâ luce, sæpe intempestâ nocte, surgant vt malè faciant, quàm dei virga vigilat, vt malos malè perdat, & puniat omnes qui iniquitatem operantur. Sed tamen permagna dei misericordia est, quod quamuis non omnibus dormiat vel hominibus vel temporibus, tamen in hoc Dauidis peccato tam tardè sicuti plastrum

strum foeno onustū venerit, & saltem diutius quā nouem menses frænare iram atq; inhibere potuerit. Cū enim nos concipimus peccatum, ille concipit iram: cū nos parimus peccatum, ille parit iram. Vnde ait; Loquar vt parturiens. Quia vt parturiens circumgestat infantem in vtero quamdiu potest: sic deus quoad potest tolerat nostra peccata, nec antè ea punit, donec iram quam nostra iniustitia tamdiu parturiuit, tandem eius iustitia pariat.

O dulcissimi Fratres, vtinam saperemus, & intelligeremus, & vellemus hæc omnia ad nosmetipsos referre. Peccata nostra, quis nescit? quis neget? peccata nostra grauiā & onerosā, fuerunt & sunt. Vnum hoc Dauidis nullo modo cum omnibus nostris comparandum. Nec verò minora nobis ipsis detrimenta & pericula pepererunt, quā deo crearunt molestiam. Quemadmodum enim cū audimus grandinem, non dubitamus illam quin vapores confluauerint è terrā ascendentes: sic confitendum sanè est, terribilissimos scelerum nostrorum vapores, celeriter suo clamore ascendentes in cœlum, ac onere suo grauiter offendentes deū, causam extitisse, & pestis huius quā periclitamur, & aliarum omnium, siue præteritarum, siue instantium, siue impendentium tempestatum.

Deut. 32. 29.

Quid verò dominus? Numquid quòd totis eum peccatorum plaustris oppresserimus, sanctumq; eius spiritum, pro dolor, tam sæpè contristauerimus, subito nos omnes peste correptos detrusit in infernū?

Ephes. 4. 30.

- O Fratres, nihil minus. Sic quidem commeriti sumus; Et sic facillimè potuisset. Sed absit à domino, vt rem hanc faciat. Non est hoc misericordiæ eius, qui iudicat omnem terram. Non, Fratres. Sed tanquam flammulæ emicant atque coruscant, priusquam iactus fulminum & tonitrua cernantur; & cum videmus nubem orientem ab occasu, statim dicimus
- Genes. 18. 25. Nimbus venit, & ita fit: similiter coruscum dei verbum facem nobis iam diu prætulit, quâ hoc supplicium pestis cerneremus quasi fulgur erupturum; &
- Luc. 12. 14. multi Eliæ, filii tonitruui, pii videlicet ac docti concionatores, cum aliis in locis, tum in his ipsis rostris, sæpe nobis ostenderunt nubeculam paruam vt manum hominis in fronte dei, quæ iram eius prodidit, nobisque nimbum impendentem prædixit. Memini his, fat scio, neque enim fieri potest tam citò vt penitus obliti fueritis, ante biennium in vespertiis natalis diei Christi, horribili terræ motu conquassatam non Cantabrigiam modò trenuisse, sed totam hanc insulam. Vt cum homines cernerent, vel terram suis conuulsam sedibus atque fundamentis sub tanto onere scelerum quasi stridère & tremere, ipsi itidem tremerent, deumque timere inciperent. Terræ motum illum post vnum mensem insequutus est Hominis motus vt tum vocabam, videlicet & pentina febris, aut nescio quo alio nomine appellem. Vt quamuis Iobum diabolus ad impœnitentiam adigere non posset cum tangeret ossa eius & carnem, tamen deus hoc faciens nos ad pœnitentiam impelleret. Fuit enim morbus medicis planè inauditus. Veruntamen consulti quidam ex iis respondebant, importunissimam pestem proximâ æstate grassaturam. Æstas illa successit: recessit.
- Mar. 3. 17.
2. Reg. 18. 44.
- Anno 1601.
- Rom. 8. 22.
- Iob. 2. 5.

cessit. Nihil tale contigit. Nunquam salubrius coelum. Sed vt terræmotum febricula post mensem: sic febriculam pestis post annum sequitur. Ita, pestis non eo anno sæuijt qui à medicis prænunciatus est, ^{Esa. 19. 12. & 44. 25. & 47. 13.} sed anno consequente. Deo de industriâ, vt videtur, ^{mathematicis.} physicis & mathematicis illudente, vt appareat, has clades à nostris vitijs proficisci, non ab initijs naturæ. Vbi sanè diuino consilio mihi factum videtur, vt sicut inter terræmotum & febrem intercessit mensis: ita annus inter febrem & pestem. Siquidem vno hoc mense, & vno hoc anno, deus reuocare nobis voluit in memoriam, quàm multos antè menses, imo quàm multos antè annos, nostram pertinaciam tolerarat, expectarat poenitentiam. Obsecro igitur vos, Fratres, per tenerissimam misericordiam dei, de quâ nunc loquimur, diligenter obseruetis infinitam dei erga vosmetipsos misericordiâ. Ieremiæ propheta, primum monstrauit virgam vigilantem quâ de dudum dixi: deinde bullientem ollam. Ita omninò nobis. Nam vt Salomôn ait, Noli subtrahere à puero disciplinam, ^{Rom. 12. 1.} quia si percusseris cum virgâ non morietur: sic febris illa erat tanquam vigilans virga; quia quatenus vigilans fuit, indicabat deum non dormire, sed saltem prospicere de coelo & videre peccata nostra, quatenus autem virga fuit, ita vt moreretur ferè neminem percussit. Namq; hominum peruagatus sermo tum erat, nunquam simul plures ægrotasse, obiisse pauciores. Ac quidem certis amicorum literis & nunciis significatum nobis fuit, vnâ septimanâ Londini hominum septēdecim millia ni malè meminì decubuisse, homines ista febre laborantes tantum occubuisse septem. ^{Ierem. 1. 13.} ^{Prover. 23. 13.} ^{Psaln. 53. 3.} Caterum quia hæc veluti virga iactatio pa-

De Ionathâ
vide ante p. 13.

Ioh. 5. 14.
Cicero ad Atti-
cum. lib. 16.
Epsil. 14.
Ierem. 51. 9.

rum profecit, deus sepositâ virgâ vigilante quam con-
tempusimus, mox ollam bullientem, id est iram magis
stridulam atq; incensam ostendit. Vt quia lene re-
medium minùs salutare fuisset, acrius adhiberetur
quod dolorem faceret. Proinde peste hac sæuiente,
& nondum vt audio satiatâ, dominus nonnullorum
hominum corpora & carnes quasi in olla bulliente
lixatas morti deuorandas obiecit. Est igitur hæc fi-
cut à Ionathâ missa ad Dauidem tertia sagitta: ita à
deo missa ad nos Tertia admonitio. Quam necessa-
riò, vt in collegiis, aut emendatio, aut amandatio se-
quetur. Nam si prima admonitio terræmotûs suffi-
cisset, nullam vnquam febris commotiunculâ sensis-
semus: si secunda admonitio febris suffecisset, pestis
hæc sibiipsi extitisset pestis non nobis: si hæc Tertia
admonitio pestis non suffecerit, certè vehementer
verendum erit, nobis ne deterius aliquid contingat.
Néue, vt verat Hippocrates desperatis morbis adhi-
bere medicinam: similiter deus paternam omnem
nostri curam abiiciat, & dicat de nobis, vt olim de Ba-
bylone; Curauimus Babylonem, & non est sanata;
derelinquamus eam.

Act. 13. 18.

Esa. 5. 4.

Sed & rursus, si placet, quæso animaduertite,
quàm tardè deus ad hosce stridores vt ita dicam, &
admonitiones accesserit. Vt Israelitarum in deserto:
ita nostros mores quamuis perditissimos annis qua-
draginta pertulit. Imò plusquam quadraginta annis,
dedit nobis verbum suum, dedit nobis pacem suam,
deniq; quid facere potuit quod non fecit nobis, reg-
nante Elizabethâ, principe commemorabili pietate,
magnanimitate, eruditione, ingenio? Addo etiam,
ad

ad summam foelicitatem, & natâ, & mortuâ. Nam nata ad mortalem, morte immortalem consequuta est. Quæ dum nobiscum viueret, tam chara suis subditis fuit, tam eosq; omnes charos habuit, vt si quis insit *Sic supponit* sensus notitiq; conditionis nostræ in beatis illis animabus quæ iam regnant cum deo, non dubitem, *Naxianzen. Inuclina. i. contra Iulia. Audi anima Constantini, si quis sensus insit. Et de laudibus Gorgonie. Si quæ tibi cura sit nostrorum bonorum.* quin æquè nobis de præsentè pace, ocio, concordia, tranquillitate quâ fruimur, ac sibiipsi de suâ æternâ foelicitate & gloria gratuletur. Non enim post beatissimum tam inclytæ principis obitum, protinùs cum Israelitis postquam vitulum adorassent, alter in alterius lateribus funestas ficas defiximus, vt, quod ab externis nonnullis hostibus expectatum fuit, totum hoc regnum cruore & sanguine natarèt, sed vnanimi consensu, procerum, plebeiorum, omnium omninò, & singulorum, Iacobum primum Augustissimum regem nostrum renunciauimus, acclamationibus & plausibus supra cœlum sublatis. Iacobum talem Virum, si modò fas sit Virum dicere, talem inquam Herôa, qualis fuerat Elizabetha Heroïna. Vt iam foelicitatem nostram mirentur, id est, vt planiùs loquar, solam dei erga nos misericordiam mirentur, non confederati tantùm & amici, sed vel coniurati hostes. O quàm misericors deus, qui tam misericordem & clementem principem nobis de cœlo demiserit! Non enim nunc datur in cœlum subuolare, vt *Rom. 10. 6. Non in cœlum.* misericordiam in amabilissimo patris vultu intueamur nobis per filium reconciliati radiantem, sed nimirum in Serenissimi regis nostri sacro pectore suæ simulacrum misericordiæ insculpsit deus, illudq; nuper quasi aliquod signum omnibus ad intuendum atq; ad benè sperandum erexit. Sumite specimen *Diploma regis propriâ manu conscriptum, quo vitam rogauit D. Cobham, D. Gray.* cæterarum

et Griffino
Markam, da-
tum fuit De-
cemb. 9. Anno
1603. Videli-
cet uno mense
ante hanc ba-
bitam concio-
nem.

Gyraldus in hi-
storiâ poetarū.
lib. 9. ex Vale-
rio Maximo.
acinus vna.
Plinius na-
turalis hist.
lib. 7. cap. 7.
vnus pilus.

Si rex quispiam
perduellioni-
bus, aut lese
maiestatis con-
uictus ita loque-
retur, Quic-
quid hactenus
tentatum aut
gestum est, to-
tum condono,
parata est om-
nibus venia,
modo posthac
à simili facino-
re conquiescāt:
nonne omnes
fateantur pro-
digiosam prin-
cipis misericor-
diam, que nec
in corpora son-
tium sauiat,
nec bona fisco
suo applicet?
Erasmus in cō-
cione, De Mi-
sericordiâ dei.

cæterarum virtutum eius ex misericordiâ, misericor-
diæ eius ex eo quod nuperrimè euenisse scimus.
Nonnè audistis Clemenuissimum Iacobum nostrū
illis non ita pridem pepercisse, qui nec principi, nec
patriæ, nec suo corpori, nec suæ animæ pepercerant?
Conscientiâ propriâ conuicti hæsitabant. Tandem
publico die condicō, proditione ipsâ proditâ & pate-
factâ, condemnati sunt. Tumq; in loco supplicii, cer-
uices eorum carnificis ferè manui, & tremulæ securi
subiectę. *SUFFICIT*, inquit pius & misericors rex
noster, *SUFFICIT*. Mors modò si iam illis esset illa-
ta, non vnus actus conficeretur, sed tota tragædia. At-
qui hoc nihil est. Hoc tam facilè punctum acūs ex-
pedierit, quàm ictus securis. Vitam adimere illis, aci-
nus vñ passę vt Anacreonti poetę, vnus pilus in hau-
stu lactis vt Fabio senatori potest: vitam donare, &
culpam condonare, sola misericordia nostra. Itaque
aut sic mirabiliter ex mortis fatiq; faucibus erepti re-
sipiscent, & quod reliquum vitę est totum ad grati-
am deo principiq; tam diuino referendam singulari
studio ac mente fideli transmittent, aut si tale quippi-
am tentârint aut vel cogitârint imposterum, vel ipsi,
vel ipsorum amici, vel ipsorum aliqui similes; non
carnifices sed furias, nec cruentas secures sed arden-
tes tēdas expectabunt, nec homine condemnabun-
tur, sed iudice diabolo. Nempe si sacrū illud pectus,
illud misericordię sacrarium, ausi fuerint violare,
quod tam promptè & alacriter omnibus supplicibus
misericordiam offert, cū ne iis quidem denegârît,
qui prę atrocitate & immanitate sui sceleris, miseri-
cordiam, nec mereri, nec requirere, nec sperare, nec
pænè dicam recipere potuerunt. O quanta quanta
hęc

hec misericordia est, ibi esse misericordem, vbi summa misericordia videtur, esse crudelem; summa crudelitas, esse misericordem! Cumq; non pro horum salute cognati fuerint atq; affines deprecati, non propinquorum lachrymæ lordesq; lugubres principis oculos inflexerint, sed suâ spôte soloq; proprio motu, tam secretò, tam subitò, morti iam destinatos reuocârit, à morte ad vitam, à desperatione ad spem, ab exitio ad salutem, misericordiaq; eius calamitosissimis vltro occurrerit, nullius intercessione euocata; perspicuum est, quemadmodum iam dixi, tam regalem misericordiam originem à deo ducere, ac particulam esse supremæ coelestisq; misericordiæ, spiritûs sancti ardore & afflatu illiquefactam in illius animû, qui misericordiâ sic totus accenditur. Scribite nunc nouos annales, quotquot ocio abundatis & ingenio. Vah. Harum quotidianarum tædet me historiarum quas habemus. Præteritorum memoriam replicate temporum. Euoluite diligenter transactas regum nostrorum res gestas. Omnes historiarum quæ vllibi extant, recessus & angulos excutite. Nunquam & nusquam, tale misericordiæ reperietis exemplum. Exemplum? Tale? Enimuerò vel vnicum hoc exemplum sexcenta rerum nostrarum volumina illustrabit, efficietq; sole meridiano clariora. Cum igitur iam obsolescunt & sordent, quos tam diu triuimus, scribite nouos commétarios. Atq; in primo aditu & vestibulo lucubrationum vigiliarumq; vestrarum, hoc literis mandate, hoc memoriæ prodite, hoc consignate monumentis, Iacobum primum, primo anno sui regni, primum exemplum misericordiæ statuisse, sicq; initium imperij sui optimis auspicijs consecrasse,

fecrasse, dum exemplum misericordiæ nullo alio simili exemplo æquiparandum ediderit, reuerâ exemplum sine exemplo, quod nulla vnquam obruere vetustas possit, nulla vnquam debeat obliuio delere. Quæ enim tam immemor posteritas, quæ tam ingrata literæ reperientur, quæ huius lenitatis ac clementiæ gloriam, non immortalitatis memoriâ, atq; testimonio laudis æterno condecorent? O optimi Fratres, merita nostra nunquam nobis & posteris nostris talem principem, verè patrem patriæ, tam clementē, tam eruditum, tam sapientem, tam inuictum, tam piū pepererunt: sed sola dei infinita misericordia; nobis hæc ocia, vt inquit ille, in nosq; hæc omnia simul vno tempore inexplicabilia gaudia congeffit. Benedictus sis in terris & in coelis, domine deus noster, benedictus sis, qui tibi vel ex ore infantium & lactentium præparasti laudem. Infantes mediusfidiū, & lactentes mihi credite, Auditores, nondum nati, sed qui post centum aut mille annos nascentur, & qui rursus ab illis nascentur, laudabunt deum ob huius temporis nostri foelicitatem ac lætitiā, totamq; eam soli eius infinitæ bonitati referent & misericordiæ acceptam.

Psal. 8.2.

Psal. 78.6.

Nimis prolixus fui. Nunc breui complectar omnia; & concludam hanc primam partem quæ est, de Misericordiâ dei in *Differendâ* irâ. Nos sigillatim singuli coniunctimq; vniuersi peccauimus. Peccatisq; nostris deum, quasi totidem talentis plumbi pressimus. Deus autem hætenus haud aliud, quàm solum vt plaustrum onustum plumbo, vel scæno etiam, tardando

Lament. 3. 42.

Zachar. 5. 7.

Talētū plumbi.

dando stridit, siue stridendo tardauit. Cumque obruere nos seuerissimis iudicijs merito potuisset, beneficiis cumulauit amplissimis. Testes fideles atque locupletes sunt duo principes, & illa sub qua tam diu floruimus, & hic sub quo nunc latantes ouantesq; triumphamus. Quare hoc duntaxat reliquum est, vt ne pergamus vltius tanta dei patiētiā, seu potius munificentia abuti. Non enim tardat deus, sicut quidam tarditatem existimant, sed patiens est erga nos, nolens vllos perire, sed omnes ad poenitentiam tendere. Quidam videlicet tarditatem sic interpretantur; Tardē venit: ergo omnino non veniet. Ita Athei argumentantur; Vbi est promissio aduentus eius? Ex quo enim patres dormierunt, omnia sic permanent ab initio creationis. Quomodo scit deus, & num est scientia in excelsis? Non nostra considerat, sed circa cardines coeli perambulat. Ita Epicurei argumentantur; Oblitus est deus, auertit faciem suam, ne videat in finem. In longum differentur dies, & peribit omnis visio. Quin festinet, & cito veniat opus eius, vt videamus: & appropinquet, & veniat consilium sancti Israel, vt sciamus illud. Alii sic interpretantur; Tardē venit: ergo interea dum venit, quicquid libuerit faciemus. Sic piger seruus ratiocinatur; Morā facit venire dominus meus: igitur incipia percutere seruos, & ancillas, & edere, & bibere, & inebriari. Veruntamen veniet dominus serui huiusmodi in die qua non sperat, & hora qua nescit, & diuidet eū, partēq; eius cum infidelibus ponet. Sic meretrix ratiocinatur; Non est vir in domo sua, abiit via longissima, sacculum pecuniae secum tulit, in die plenae lunae reuersurus est in domum suam. Veni igitur, inebriemur

2. Pet. 3. 9.

2. Pet. 3. 4.

Psalm. 73. 11.

Iob. 22. 14.

Psalm. 10. 11.

Ezech. 12. 27.

Esai. 5. 19.

Luc. 12. 45.

Prouerb. 7. 19.

& 20. & 18.

inebriemur vberibus, & fruamur cupitis, amplexibus, donec illucescat dies. Sancta verò sponsa ex aduerso tarditatem sic interpretatur, Tardè venit; ergo patiens est erga nos, nolens vllos perire, sed omnes ad pœnitentiam tendere. Proinde tarditatem non interpretatur, stuporem, aut oscitantiam, ac si deus vel non videat peccata, vel si videat non curet; sed patientiam. Hâcque nullo modo potest vt abutatur adduci. Probè enim commemorat, hominem illum nobilem peregrè proficiscentem, rationem cum seruis post longum quidem tempus contulisse; contulisse tamen. Itaque non disputat vt piger seruus, Quia gratia abundat, peccabimus: sed vt frugi ille Christi seruus Paulus, Apparuit gratia dei, erudiens nos, vt abnegantes impietatem & secularia desideria, sobriè, & iustè, & piè viuamus. Non disputat vt meretrix, Quia non citò profertur sententia, absque timore vllo perpetrabo mala: sed vt prudens virgo, Tardat sponsus, & forsitan vt fur mediâ nocte veniet; quocirca oleum in lampade semper paratum habebò, vt quodcumque venerit, intrem cum eo ad nuptias.

Matth. 25. 19.
Post multum
temporis.

Rom. 6. 1.
Tit. 2. 11.
Eccles. 8. 11.
1. Thes. 5. 2.
Mat. 25. 4. & 5.
Vt sit.

Rom. 2. 4.

Insignis est ille locus Apostoli, An diuitias bonitatis eius & patientiæ & longanimitatis contemnitis, ignorans quod benignitas dei ad pœnitentiam te adducit? Secundum autem duritiam tuam & impœnitens cor thesaurizas tibi iram in diem iræ, & reuelationis iusti iudicii dei. Perinde quasi diceret, Deus dum tardat patiens est erga nos nolens vllos perire, sed omnes ad pœnitentiam tendere. Tu autem hanc quæ te ad pœnitentiam adducere deberet patientiam contemnens, ad pœnitentiam tendere non vis, sed perire vis thesaurizans tibi iram in diem iræ. Mirabile

rabile autem est sanctum Petrum publicè à Paulo re-
 prehensum in Epistola ad Galatas, in secunda sua Galat. 2. 11.
 Canonicà publicè Paulum laudare. Sed expressè ac 1. Pet. 3. 15.
 nominatim solam ob sententiam à me supra recita-
 tam. Domini nostri longanimitatem salutem arbi-
 tremini, inquit, sicut & charissimus frater noster Pau-
 lus secundum datam sibi, sapientiam scripsit vobis.
 Pauli hæc verba sunt, Benignitas dei, ad poenitenti-
 am adducit: Petri hæc, Domini longanimitas, salus.
 Causa igitur salutis, est sola benignitas & longanimi-
 tas dei: sed via per quam adducimur ad salutem, est
 poenitentia. Quam qui fingi formariq; in corde suo
 sinunt motu atq; appulsu efficacis vocationis dei ad
 fidem & poenitentiam, ij diuitias bonitatis dei sibi
 coaceruant, vt misericordiam inueniant in die illo: 2. Tim. 1. 17.
 qui verò benignam hanc visitationem & vocationē Amos 3. 10.
 contemnunt, ii thesauros iræ sibi congerunt in diem
 iræ, & reuelationis iusti iudicii dei. Quapropter vtri-
 que quò progrediuntur longius, eò semper cumu-
 lum suum maiorem reddunt, locupletioresq; diuiti-
 as & thesauros comportant: sed illi diuitias misericor-
 diæ, hi thesauros iræ. Vt enim bonus odor, reficit co-
 lumbas, scarabæos enecat: sic tarditas & tolerantia Gregorij Nyssē-
ni simile.
 dei, semper est bonus odor; sed poenitentibus vitæ 2. Cor. 2. 14.
 ad vitam, impoenitentibus iræ ad iram. Et quemad-
 modum solis calor, ceram emollit, lapidem indurat:
 pari ratione deus differens suam iram, emollit pium;
 qui de seipso ait, Factum est cor meum tanquam ce- Psalm. 22. 14.
 ra liquefcens in medio ventris mei; impium indurat, Iob. 41. 15.
 de quo Iob ait, Cor eius indurabitur tanquam lapis,
 & stringetur quasi malleatoris incus.

Vnde grauitè propheta inuehitur in eos, Qui so-

Mich. 3. 11.

Ezech. 13. 13.

Cant. 1. 16.

Cant. 3. 10.

Cant. 1. 6.

Cant. 2. 7.

Genes. 3. 7.

Genes. 3. 8.

2. Cor. 4. 2.

1. Pet. 2. 16.

1. Pet. 2. 16.

1. Pet. 2. 16.

Jerem. 7. 4.

per dominum requiescant, dicentes, Numquid non dominus in medio nostrum? Non venient super nos mala. Requies enim hæc non fuit Christianæ fiduciæ, sed lapideæ duritiæ, siue carnalis socordiae. Quippe dei de misericordiâ præsumentes, & interim altum in peccatis stertentes, puluillos consuebant sub axillis manuum suarum, & ceruicalia faciebant sub propriis capitibus. Hacq; falsâ persuasione innixi, super dominum, id est super inanem spem misericordiæ domini requiescebant, quasi super puluillum subiectum cubito, vel super ceruicale capiti suppositum. Atq; ita durum eorum & impoenitens cor, super mollem puluillum, & plumeum ceruicale iacebat. O perditam & profligatam impudentiam! Quæ misericordiam dei, floridum scilicet lectulum, & aureum reclinatorium, super quod ecclesia cubans in meridie non excitatur quoadusq; ipsa velit, facit puluillum aut ceruicale, super quod omnia foedissimarum turpitudinum monstra requiescant. Quæ misericordiam dei, arcem ac propugnaculum solum verè pœnitentium, facit altricem obstinationis, fauricem sceleris, peccatorum receptaculum, flagitiorum vndiq; confluentium sentinam. Facit Adami, vel scilicet subligaculum, quo partem sui contexit, vel nemus densum & opacum, quo se totum occultauit. Facit, vt loquitur Paulus, pallium nequitiae; vt loquitur Petrus, malitiæ velamen. Et annôn plurimi inter nos planè eisdem verbis dictitant, Numquid non dominus in medio nostrum? Nonnè Templum domini, Templum domini sanctum est, quod sumus nos? Nonnè Verbum domini, Verbum domini purum est, quod prædicamus nos?

Nonne

Nonne insula nostra, asylum est religionis, exilium
 piorum perfugium, lumen gentium, totius orbis or-
 namentum? Nonne ecclesia nostra florentior est,
 quam vlla vnquam ab heroicis fuerit Apostolorum
 temporibus? Non venient super nos mala. Nos re-
 quiescimus super dominum: mala non requiescente
 super nos. Et quamuis innumera proueniant à nobis
 mala peccata: tamen non venient vlla mala super nos
 supplicia. Antè enim regnante Foeminâ, contra om-
 nes impetus hostium inuicti fuimus; inuictissimo
 Rege, quantò nunc magis? Antè cum se Anglia so-
 la defendebat inimicorum gladios contemplimus,
 quantò magis nobis cùm iam Scotiæ robur ac virtus
 adiungitur? O Fratres, quis nos discreuit? Cur nos
 effemus omnium hominum fortunatissimi, si pecca-
 ta nos nostra faciât omnium mortalium miserrimos?
 Cur si multitudine, potentiâ, opibus nostris confisi,
 in eadem culpâ cum Dauide simus, non eadem etiam
 poenâ plecteremur? Amplioribusne priuilegiis frui-
 mur, quam vir secundum cor dei? quam Sion? quam
 Ierusalem? quam mons templi? Sequitur autem
 continuo apud prophetam; Propter hoc Sion quasi
 ager arabitur: & Ierusalem quasi agerius lapidum e-
 rit: & mons templi quasi excelsus sylvarum. Hinc pro-
 phetico Propter hoc, apostolicum Propter hæc opti-
 mè concordat. Fratres mei, inquit, nolite errare: de-
 us non irridetur. Nemo vos seducat inanibus verbis:
 Propter hæc enim venit ira dei in filios diffidentie.
 Numquid non dominus in medio nostrum? & mera
 dei irrisio est. Nolite errare, deus non irridetur. Non
 venient super nos mala: inania verba sunt. Nemo
 vos seducat inanibus verbis. Erramus, si deum irridè-
 mus:

1. Cor. 4. 7.

Gal. 6. 7.

Ephes. 5. 6.

Mich. 3. 2.

Galat. 6. 7.

Ephes. 5. 6.

mus: seducimur, si inanibus verbis attendimus. Ergo cautemus, ne seducti erremus: neue inanibus verbis attendentes irideamus deum. Propter hæc enim venit ira dei in filios diffidentię. Propter hæc. Quid hoc est? Nimirum quia dicunt, Non venient super nos mala; Propter hæc verba, Venit ira dei in filios diffidentię. Propter hoc faciunt vt veniat ira dei, quia securitate suâ freti dicunt, Non veniet: quę reuera non veniret, si ne veniret, præuenirent eam seriâ poenitentia. Nunc autem venit ira dei, non solum in irā quę thesaurizatur, vt ira irę addita sit maior ira, sed in eos etiam qui iram thesaurizant, vt maiori irā quasi incendio feruidiori deslagrent. Ac notandum, filios vocari hos, non confidentię, sed diffidētię. Qui enim ambulāt simpliciter, ambulat confidēter. Et in timore domini, fiducia fortitudinis. Hi autem diffidunt deo suo, super quem requiescunt, dum confidunt quieti & securitati suę, quā deum contemunt. Sicq; deum contemnentes, non timent, qui solam in misericordiam eius recubentes, nunquam iudicia aut iram considerant.

Prouerb. 10. 9.

Prouerb. 14. 26.

Ecclesiastic.

5. 6.

Hinc quidam sanè sapiēter monet, Ne dicas, Misericordia dei magna est: multitudinis peccatorum meorum miserebitur. Misericordia enim & ira ab illo citò proxima, & in peccatores respicit ira eius. Ne tardes conuerti ad deum, & ne differas de die in diem. Subitò enim veniet ira eius, & in tempore vindictę disperdet te. Quid audio? Ne dicas, Misericordia dei magna est: Et quid aliud obsecrò, totā hac concione diximus & docuimus, quā Misericordiam dei magnam esse? Cur igitur nō licet dicere, Misericordia dei magna est? Aut enim hoc verum, aut nihil

nihil verum. Non est verum, Deum esse, si non sit verum, Misericordiam dei magnam esse. Hanc archangelī & angeli in coelis : hanc martyres & confessores in terris : hanc omnia omninò quæ spirant, aut quæ creantur commendât. Id facillimè in Hymno trium puerorum apparet. Item in illo Psalmo, cuius singuli versus hâc Epistrophe clauduntur, Quoniam in æternū misericordia eius. Necnon in toto, vel scripturæ, vel naturæ libro. Itaq; aut hoc dicendum, imò prædicandum, cantandum, clamandum, Misericordia dei magna est ; aut nihil dicendum, sed perpetuò filèdum erit. Et tamen quod dicit sapiens, ego etiam licèt insipiens dico, & iterum dico, Ne dicas, Misericordia dei magna est. Diaboli vetus cantilena est. Semper hâc chordâ oberrat. Caue igitur. Ne dicas. Ex sibilo agnosce serpentem. Caue, inquam. Ne dicas. Hoc serpens olim sibilans in aures primorum parentum insusurrauit, Peccate audacter : Nequaquâ morte moriemini : Misericordia dei magna est : Nequaquam morte moriemini : Audacter peccate. Quemadmodum enim fera ea quæ pardus dicitur, caput suum tegit truculentum, ostenditq; alias partes pulcherrimâ macularum varietate distinctas, donec attonitas hoc spectaculo bestias subito exiliens dilaniet : eodem modo serpens antiquus, iustitiam dei quod caput est aufert à facie hominum, & longè remouet diem malum, misericordiam verò viuus coloribus expressam & floridissimis quasi depictam laudibus, propalam ante eorum oculos constituit, donec obstupescatos & ipsâ admiratione perculsos facillè tandem oppreslerit incautos. Deus autem qui se pardum fore minatur, etiam vbi vt pardus non faciem,

Psal. 136.

2. Cor. 11. 11.

Genes. 3. 4.

Plinius. lib. 8.

cap. 17.

Ierem. 13. 23.

Psal. 10. 8.

Amos. 6. 3.

Osc. 13. 7.

se pardum.

Exod. 33. 23.

Et pardus.

H

ciem,

Exod. 14. 7.

Sapient. 2. vlt.

Psal. 101. 1.

Non sola misericordia, sed & iudicium.

Aug. in Psal.

31. in initio.

Iac. 2. 13.

Jerem. 6. 14.

Lament. 4. 3.

Psal. 10. 3.

Rom. 16. 8.

Esaï 30. 10.

Matth. 25. 9.

Psal. 141. 5.

Psal. 55. 22.

Plutarch. in vitâ Demosth.

Luc. 10. 34.

Jerem. 37. 19.

2. Tim. 4. 3.

ciem, sed solum posteriores partes Moyſi ostendit, iustitiam suam non minus quam misericordiam promulgat. Transiens enim in clamat; Deus misericors & clemens, patiens, & multæ miserationis: statimq; sequitur, Reddens iniquitatem patrum, filijs ac nepotibus, in tertiam & quartam progeniem. Iustitiam postremo loco inculcat, vt aliùs in animo infigatur & memoriâ. Sedenim serpentis astutiam imitantur qui sunt ex parte eius. Semper namq; hoc exitit veros inter prophetas & falsos discrimen, quòd illi misericordiam & iudicium cum Dauide canerent: solum hi misericordiam cum diabolo. Cæterum hîc qui misericordiam sine iudicio decantant: post, iudicium sine misericordiâ sentient. Veri prophetæ, sicut fuerant iussi, detonabant dei iudicia: falsi, curabant populi contritionem dicentes, Pax, Pax, & non erat pax. Nudabant mamas vt lamie, & catulos suos spe inani lactabant: laudabât in desiderijs suis maximè malos, & minimè malos per dulces sermones seducebât. Placètia loquebâtur, ac oleû vendebât quò hominum impinguabât capita, verbaq; eorum oleo molliora, vt olim oratoris lucubrationes lucernâ, ita oleum nimis olebant: & tamen dum nihil vini, sed oleum solummodò peccantium vulneribus instillabant, & oleum perdebant & operam. Vnde deridens eos sanctus propheta ait; Vbi sunt prophetæ vestri (non prophetæ dei, sed vestri, quos vobis coaceruastis, vt prurientes vestras aures teretescq; titillent) vbi sunt, qui prophetabant vobis, & dicebant, Non veniet rex Babylonis super vos? Et quales prophetæ, talis populus: Qui prophetis concinentibus, Non veniet rex Babylonis super vos; illicò, vt antè dixi, succinebant,

succinebant, Non venient super nos mala. Propter hæc tamen in peccatores respicit, & subito venit ira dei. Quum dixerint Pax & Securitas, tum repentinus eis superueniet interitus, sicut dolor in vtero habenti. Ita enim est, vt si paruo puero auiculam lino alligatam tradideris in manus, miseram iactitat, versat, vellicat, vexat, dum planè necarit: sic hi, prophetæ & populus, alter amboue, omnesq; horum similes, ætate viri, intelligentiâ pueri, suauissimam dei misericordiam, acsi ad omnia puerilia eorum ludibria, vel nefanda etiam flagitia alligata esset, nimis arctè amplectentes fatigant, & tandem iactitantes insolentiùs petulantiùsq; vexantes, in summam iræ acerbitem conuertunt. Ac tâquam debilis & imbecillus senex, cùm ligneum est ponticulum transiturus, oculis conspiciat admouens, pontemq; multò maiorem esse quàm est reuerà existimans, pedem præter pontem in pontis vmbra falsaq; imagine defigit, & sic delapsus in gurgitem subiectum immergitur: similimè omninò, qui per misericordiam dei se à morte mortali ad vitam immortalem transiuros cõfidunt, quâuis latam viam continuò terant, quæ à vitâ mortali ad mortem immortalem ducit, non rectè æstimantes misericordiam dei, sed dicentes Misericordia dei magna est, cum interim tam magna non sit vt ijs faueat, qui sic tardant conuerti ad deum differuntq; de die in diem, quasi percussissent fœdus cum morte & cum inferno fecissent pactum, hi, inquam, in die iræ atq; in tempore vindictæ, de vanâ spe suâ vt de ponte decidentes, stagno ignis & sulphuris, æterniq; exitij voragine obruentur.

1. Thes. 5. 3.

1. Cor. 14. 10.

Esai. 28. 19.

Reuel. 20. 10.

Tum dicent, tamen si nimium serò, dicent monti-

Reuel. 6. 16.

bus & petris, Cadite super nos, & abscondite nos à facie sedentis super thronum, & ab irâ agni. Quiduis cadere super se malent, quàm se cadere in stagnum. Sed qui hic abscondebant iram agni à facie suâ, tum retrorsum vicissim faciem suam abscondent ab irâ agni? Itâne verò? Ab irâ agni? Quid autem? Agnusne irascitur? Aut etiam potest agnus irasci? Potestne fieri, inquam? Vt agnus irascatur? Prius opinor tota rerum natura usq; deq; voluctur, quàm irascetur agnus. Sed sic est, sancti Fratres, sic est. Quò tardior fuit, & patientior vt agnus, iramq; diutius distulit, eò erit tandem iratior, nimis diu ad iracundiam vel in faciem prouocatus. Cherubinorum quisque habet duplicem faciem: hominis, & leonis. Hoc habent, & discunt à domino, Qui & hominis vel etiam agni faciem habet, tollens peccata mundi: & leonis faciem, mundi peccata puniens. Qui & hominis humanitatem offert in die nostro: & leonis ferociam offert in die suo. Hinc propheta; Væ desiderantibus diem domini: ad quid eam vobis? Dies domini ista, tenebræ est & non lux. Quomodo si fugiat vir à facie leonis, & occurrat ei vsus. Leo tam magnanimus est, vt sese dedentibus & prosternentibus parcat: vsus tam turpis est, vt nulli, nec dimicanti nec supplicanti, nec viuo nec mortuo indulgeat.

Ouid de Trist.
lib. 3. Ele. 5.

Corpora magnanimo satis est prostrasse leoni:

At lupus & turpes instant morientibus vrsi;

Reuel. 12. 10.

& quæ sequuntur: nota enim sunt carmina. Non me fugit, pios optimâ spe plenos, cum vt deum videant, tum alias ob causas, desiderare diem domini. Verum isti per ludum & iocum desiderantes, perinde faciunt,

vt

vt si quis vbi cum leone pugnare possit, optaret potius cum vrsō configere. Sic enim describitur dies domini quasi vrsō similis; Magnus dies domini, & terribilis valdè. Iterumque; Dies crudelis, & indignationis plenus. Philistæi quidem illudentes Sampsoni, non ferebant impunè. Nec tu, si crabrones irriteris, sique

Ioc. 1. 11.

Ela. 13. 9.

Iud. 17. 30.

*Fumantem nasum * magni tentaueris vrsi;*

Martialis poeta.

* Vini.

vrsi magni, & terribilis valdè; crudelis, & indignationis pleni. Nunc enim præ misericordiâ & clementiâ, qui leo est fit homo; imò qui homo est fit agnus: tum præ irâ & indignatione, qui homo est fiet leo; imò qui leo est fiet vrsus. Ita, neq; illic impijs erit agnus, neq; hic pijs potest esse vrsus; sed qui hic pijs est homo misericors, illic impijs erit iratus leo. Proinde qui temporis gratiæ pertæsi tempus vindictæ desiderant, *Æ-* *In fabulâ,*
O' G. 2. 10. 11.
et.
fopico asino stultiore sunt. Qui cum seruire potuisset hortulano, figulo maluit: cum figulo potuisset, coriario maluit. Sic isti, vbi transigere possunt cū agno, cū leone malūt: vbi cū leone possunt, cum vrsō malunt.

Christus namque, vt agnus occisus ab origine mundi; vt leo de tribu Iudæ; vt vrsus insidians est: ita hortulanus, figulus, coriarius est. Maria existimans hortulanum esse, non multum, aut non omnino errauit. Nam primum Adamum è paradiso eiectum, qui vt malus hortulanus dicere potuit, Vineam meam non custodiui; secundus Adam vt bonus hortulanus, descendens in hortum nucum, reducem in paradysum fecit dicens, Hodie mecum eris in paradiso. Iam & figulus est, habens potestatem ex eadem mafsâ faciendi, aliud quidem vas in honorem, aliud verb in contumeliam. Ac notas facit diuitias gloriæ suæ in

Reuelat. 13. 8.

agnus.

Reuelat. 5. 5.

Leo.

Lament. 3. 10.

Vrsus.

Ioh. 20. 15.

Genes. 3. 23.

Cant. 1. 6.

Cant. 6. 10.

Luc. 23. 43.

Rom. 9. 21.

Act. 10. 6.
Psal. 1. 5.

Mich. 3. 3.
excoriabitur.

Psal. 1. 4.
Hebr. 10. 34.

vasa misericordiae quae prae parauit ad gloriam : iram autem ostendit, & potentiam suam in vasa irae aptata ad interitum, quae in multa patientia sustinuit. Postremo corarius est iuxta mare habitans, apud quem Petrus, aut similes Petri fideles tunc diuersentur. Non sic impii, non sic : sed tanquam pulvis quem ventus (iuxta mare) proicit à facie terrae. Ideo coram eo non consistent in iudicio, sed viui excoriabuntur, ossaque eorum quasi caro in lebetem concidentur. Christus igitur hortulanus ut agnus est, tantum in tempore misericordiae : figulus ut leo est, in utroque, & misericordiae & irae tempore : corarius ut vrsus est, tantum in tempore irae. Agnus enim nunquam irascitur : leo nonnunquam non irascitur, nonnunquam irascitur : vrsus nunquam non irascitur. Ergo, ut concludam, perdit illi, quandoquidem misericordiam dei prius contemptam post nequeunt coram eo in iudicio consistere, dicentes isto loco, Abscondite nos ab ira agni, hoc tantum dicere volunt, Abscondite nos ab ira eius qui olim agnus fuit omnibus, nunc nobis est vrsus. Vos autem, Christiani Fratres, deo gratia, vos non estis eorum similes, subtractionis nimirum ad perditionem, sed fidei ad salutem animae. Idcirco nisi vasa irae fieri velimus qui vasa sumus misericordiae, ne proponamus nobis impunitatem, si perseueremus in peccatis, neue abutamur diutius multa eius patientia, quam ut stridens plaustrum tardissime veniens, nos tamdiu sustinuit, ac etiamnum sustinet. Nondum vrsus est. Adhuc leo est. Paululum quidem fuit iratus. In peste praesertim. Sed si prosternamus nos coram eo, si supplices prouoluamur ad pedes eius, si vere poenitentiam agamus, si veniam & misericordiam implo-

imploremus, magnanimus leo seipsum negare non potest. Quin vero auertat faciem leonis, & conuertet ad nos faciem hominis. Quiq; pulchrior est filiis hominum, simul etiam erit humanior. Nec hominis modò facilitate eriget nos, sed vel agni sanguine & sacrificio seruabit. Quare Charissimæ meæ animæ, preciosissimo sanguine agni redemptæ, coronas nostras ad pedes agni proiciamus. Vtinam nunc vox mea tam resonans esset, vt non solùm paucis ex dispersione pestis redeuntibus, qui me vndique in hac concione circunstant, sed incolis dulcissimæ patriæ vniuersis, quocūque pestis peruasit, nullibi autem non peruasit, vnâ cum peste vbiq; locorum stridente vt ita dicam & prædicante, prædicare possem ac inculcare, imò intonare in aures, atq; adeo in intimum cor ipsum demittere hanc pœnitentiæ doctrinam. Proiciamus, inquam, si deum planè placari & reconciliari nobis cupimus, proiciamus omnia bona opera nostra ad pedes agni, confitètes nos haud tantum fecisse quantum debuimus, sed inutilissimos esse seruos. Atque si ea misericordiæ dei pignora deposita fuissent, apud Tyrum, vel Sidonem, vel perditissimam quamuis aliam gentem, quæ deposita fuerunt apud nos, olim pœnitentiâ acturos fuisse syncerius, fructūsq; pœnitentiâ longè digniores, quàm nos fecimus, edituros. Omnia etiam mala opera nostra ad pedes agni proiciamus, obsecrantes, ita dele-re ea atque obterere velit, vt eorum ne tenuissimum quidem vllum appareat vestigium. Tum enim, si nos operum, & bonorum pudeat, quia minùs plena, & malorum pœniteat, quia nimis plena fuerunt; mit-tissimus agnus, mitissimus Iesus, iram semper, sicut

hactenùs

Vide antè. p. 7.

Plalm. 45. 3.

1. Petr. 1. 19.

Reuel. 4. 10.

1. Petr. 1. 1.

Luc. 17. 10.

Math. 11. 27.

Math. 3. 8.

Esai. 44. 22.

Reuel. 3. 2.

minùs plena.

Genel 15. 16.

nimis plena.

Ioh. 8. 46.

Esa. 28. 1.

Psalm. 103. 4.

2. Tim. 4. 8.

1. Pet. 5. 4.

hactenùs fecit, differre, aut planè cohibere perget,
 misericordiam verò in nos nunquam desinet decla-
 rare. Si veritatem dico, quare vos non creditis mihi?
 Credite mihi, pro coronâ superbîæ, & securitatis,
 quâ reiecerimus, superbîæ de bonis operibus, & se-
 curitatis in malis operibus, misericordiâ & miseration-
 nibus coronabit nos in hac vitâ, ac in futurâ vitâ co-
 ronam iustitiæ & gloriæ dabit nobis, Christus
 Iesus iustus iudex; cui, cum patre, & spi-
 ritu sancto, sit omnis honor & glo-
 ria, in secula seculorum.

*Amen.**FINIS.*

Pag. 15. lin. 18.

Pag. 16. lin. 13.

Pag. 24. lin. 9.

Pag. 27. lin. 9.

	} <i>pro</i> {	} <i>lege</i> {	} <i>secretum.</i>
<i>decretum</i>			
<i>virginti</i>			
<i>fuisset</i>			
<i>opinione</i>			<i>fuisset.</i>
			<i>opinione.</i>

3
2
1
0
9
8
7
6
5
4
3
2
1
0